

四庫全書

集部

欽定四庫全書

集部

文選卷五十一至
四

詳校官庶吉士_臣汪彥博

助教_臣常循覆勘

總校官檢討_臣何思鈞

校對官編修_臣勵守謙

謄錄監生_臣劉贊化

欽定四庫全書

文選卷五十一

梁蕭統編

唐李善註

論上

過秦論

賈誼

漢書應劭曰賈誼書第一篇者也言秦之過

秦孝公據殽函之固擁雍州之地

韋昭曰殽謂二龍正函谷關也史記張良

曰關中左轂
右隴蜀

君臣固守以窺周室有席卷天下芟舉海

內春秋握誠圖曰諸侯冰散席卷各爭恣妄囊括四海之意并吞八荒之心

張晏曰括結囊也言能包含天下也周易曰括囊無咎無譽當是時也商君佐之內

立法度務耕織修守戰之具外連衡而闢諸侯戰國策蘇

秦說惠王曰始將連衡高誘曰合關東從通於是秦

人拱手而取西河之外李斯上書曰孝公用商鞅之法

孝公既沒惠文武昭史記曰孝公卒子惠文王立卒子武王立卒立異母弟是曰昭

也襄王蒙故業因遺策南取漢中西舉巴蜀東割膏腴

之地北收要害之郡李斯上書曰惠王用張儀之計西并巴蜀南取漢中東據成臯

之險割膏腴之壤

諸侯恐懼會盟而謀弱秦不愛珍器重

寶肥饒之地以致天下之士合從締交相與為一文穎

曰關東為從張晏曰締連結也徒帝切

當此之時齊有孟嘗趙有平原

楚有春申魏有信陵

史記曰平原君趙勝者趙之諸公子也又曰孟嘗君者名文姓

田氏又曰春申君者楚人也名歇姓黃氏又曰魏公子無忌者魏安釐王弟也為信陵君此四君

者皆明智而忠信寬厚而愛人尊賢而重士約從離

橫

言諸侯結納為從欲以分離秦橫也

兼韓魏燕趙宋衛中山之衆於

是六國之士有甯越徐尚蘇秦杜赫之屬為之謀

呂氏春秋曰齊攻廩丘趙使孔青將而救之與齊人戰大敗齊人得尸三萬以為二京甯越謂孔青曰苦矣不如歸尸以內攻之彼得尸而府庫盡于塋此之謂內攻之甯越趙人也徐尚未詳蘇秦已見上文呂氏春秋曰杜赫以安天下說周昭文君昭文君謂杜赫曰願學所以安周高誘曰杜赫周人也齊明周最

陳軫召滑樓緩

程

景蘇厲樂毅之徒通其意

戰國策東

周齊明謂東周君曰臣恐西周之與楚韓實令之為己求地于東周也高誘曰齊明東周臣也戰國策曰齊令周最使鄭立韓擾而廢公叔周最患之高誘曰周最周君之子也任於齊故齊伐之也字林曰最才勾切戰國策秦王謂陳軫曰吾聞子欲去秦而之楚信乎軫曰然高誘曰陳軫夏人仕秦亦仕楚也韓子于象謂楚王曰前時王使召滑之越五年而能成之史記范環對楚王曰王前嘗用召滑而郡江東召音劬滑

音依字戰國策曰秦王伐楚魏王不欲樓緩謂魏王曰不欲秦攻楚楚且與秦攻王王不如今秦楚戰王交制之高誘曰樓緩魏相也翟景未詳史記曰蘇秦之弟厲因燕子而求見齊王齊王怨蘇秦欲囚蘇厲燕子為謝遂委質為齊臣又曰樂毅賢而好兵為魏昭王使于燕燕昭王以客禮待之樂毅遂委質為臣燕昭王以為亞也

也吳起孫臏帶佗兒良王廖田忌廉頗趙奢之倫制其

兵

史記曰吳起衛人也聞魏文侯賢事魏文侯以為將又曰孫臏生阿甄之間臏亦孫武之後也田忌進孫

子于齊威王帶佗未詳佗徒何切呂氏春秋曰王廖貴先兒良貴後此二人者皆天下之豪士也兒五分切廖力彫切戰國策曰韓魏之君朝田侯鄒忌為齊相田忌為將使田忌伐魏三戰三勝高誘曰田侯宣王也史記曰廉頗趙之良將也趙惠文王廉頗為趙將伐齊大破之又曰趙奢者趙之田部吏也秦伐韓趙王令趙奢將

而救嘗以什倍之地百萬之衆叩關而攻秦

孔安國論語注曰叩

擊也叩或為仰言秦地高故曰仰攻之

秦人開關而延敵九國之師遁逃

而不敢進

九國謂齊楚韓魏燕趙宋衛中山也史記曰逡逡遁逃

秦無亡矢遺鏃

之費而天下諸侯已困矣

李巡爾雅注曰鏃以金為箭鏃也

於是散從

約解爭割地而賂秦秦有餘力而制其弊追亡逐北伏

尸百萬流血漂櫓

音魯韋昭曰大櫓曰櫓左氏傳曰狄虎彌建大車之輪以為櫓

因利

乘便宰割天下分裂河山彊國請伏弱國入朝施及孝

文王莊襄王享國之日淺國家無事

史記曰昭襄王卒子孝文王立卒子

莊襄王立公羊傳曰桓公之
享國也長何休曰享食也

及至始皇奮六世之餘烈

張晏曰孝公惠文王武
王昭王孝文王莊襄王

振長策而御宇內吞二周而亡

諸侯

以馬喻也說文曰振舉也史記曰始皇滅二周置三川郡

履至尊而制六合執

敲朴

浦木

以鞭笞天下

臣瓚以為短曰敲長曰朴說文曰敲擊也苦交切

威振四

海南取百越之地以為桂林象郡

漢書音義曰百越非一種若今言百蠻也

史記曰始皇略取陸梁地為桂林象郡
常昭曰桂林今鬱林象郡今日南也

百越之君俛首

計

頸委命下吏乃使蒙恬北築長城而守藩籬却匈

奴七百餘里胡人不敢南下而牧馬士不敢彎弓而報

怨於是廢先王之道燔百家之言以愚黔首

史記李斯曰請廢傳

士官所職天下敢有藏詩書百家語者詣守尉雜燒之又曰秦更名民曰黔首隲名城殺豪俊

應劭曰壞城恐復阻以為己害收天下之兵聚之咸陽銷鋒鋦鑄以為

金人十二以弱天下之民

如淳曰鋦箭足也鄧展曰鋦是杆頭戟也史記曰始皇收

天下兵聚之咸陽以銷鋒鋦為鍾鐻金人十二重各千石置宮庭中鋒音的鐻或為提鐻音巨然後踐

華為城因河為池

服虔曰斷華山為城美大之也晉灼曰踐登也

據億丈之城

臨不測之谿以為固良將勁弩守要害之處信臣精卒

陳利兵而誰何

誰何問之也漢書有誰何卒如淳曰何謂何官也廣雅曰何問也

天下

已定始皇之心自以為關中之固金城千里

金城言堅也史記張

良曰關中所謂金城千里天府之國也

子孫帝王萬世之業

史記秦始皇曰朕為始皇

帝後世以計數二世三世至于萬世傳之無窮

始皇既沒餘威震于殊俗然而

陳涉甕牖繩樞之子

陳涉已見鄒陽上書禮記曰儒有蓬戶甕牖常昭曰繩樞以繩扂戶

為樞也

朙隸之人

如淳曰朙古珉字珉人也

而遷徙之徒也材能不及

中庸

方言曰庸賤稱也言不及中等庸人也

非有仲尼墨翟之賢陶朱猗

頓之富

史記曰范蠡之陶為朱公以為陶天下之中皆諸侯四通貨物所交易也乃治產積十九年之

間三致千金孔叢子曰猗頓魯之窮士也耕則常飢桑則常寒聞朱公富往而問術焉公告之曰子欲速富當

畜五特乃適河東大畜牛羊于猗氏之
南其滋息不可計以興富故曰猗頓也躡足行伍之間

俛起阡陌之中

如淳曰躡音疊音義曰俛音免如淳曰時皆卑屈在阡陌之中

率罷散

之卒將數百之衆轉而攻秦斬木為兵揭竿為旗

埤蒼曰揭

立舉也巨列切莊子曰揭竿求諸海也

天下雲會而響應羸糧而景從

莊子

曰今使民曰其所有賢者羸糧而趣之方言曰羸擔也音盈

山東豪俊遂並起而亡

秦族矣且夫天下非小弱也雍州之地殽函之固自若

也陳涉之位不尊於齊楚燕趙韓魏宋衛中山之君也

鋤耰棘矜

巨中

不銛

息

於鈎戟長鎡

所介

也

孟康曰耰鋤柄也張晏曰矜

音謹爾雅曰棘戟也言鋤柄及戟槩也獲音憂槩巨巾切如淳曰鈞戟似矛刃下有鐵橫上鈞曲也說文曰鐵

鉞有鐔也 謫戍之衆非抗於九國之師也 通俗文曰罰罪曰謫文厄切 深

謀遠慮行軍用兵之道非及曩時之士也 史記曰賢人深謀于廊廟

論語曰人無遠慮必有近憂 然而成敗異變功業相反試使山東之

國與陳涉度長絜大比權量力則不可同年而語矣 莊子

曰大樹其絜百圍司馬彪曰絜匝也下結切 然秦以區區之地致萬乘之權

招八州而朝同列百有餘年矣 鄧展曰招猶舉也蘇林曰招音翹 然後

以六合為家殺函為宮一夫作難而七廟隳身死人手

為天下笑者何也

春秋考異郵曰君殺妻誅而天下笑

仁義不施而攻守

之執異也

非有先生論

東方曼倩

班固漢書東方朔字曼倩平原厭次人武帝即位言得失又設非有先生論

非有先生仕於吳進不能稱往古以廣主意退不能揚君美以顯其功默然無言者三年矣吳王怪而問之曰寡人獲先王之功寄于衆賢之上夙興夜寐未嘗敢怠也今先生率然高舉遠集吳地

率然輕舉之貌

將以輔治寡人

誠竊嘉之體不安席食不甘味目不視靡曼之色耳不

聽鐘鼓之音虛心定志欲聞流議者三年於茲矣

呂氏春秋

曰越王欲致必死於吳身不安枕席口不甘厚味目不視靡曼耳不聽鐘鼓三年苦身勞力高誘曰靡曼好色也流議猶餘論也今先生進無以輔治退不揚主譽竊為先生

不取也蓋懷能而不見臣不忠也見而不行主不明也

意者寡人殆不明乎非有先生伏而唯唯吳王曰可以

談矣寡人將竦意而覽焉先生曰於戲可乎哉可乎哉

於戲歎辭也於音烏戲音呼可乎哉言不可也

談何容易

言談說之道何容輕易乎

夫談者

有悖

蒲忽

於目而佛於耳謬於心而便於身者

韓子曰聖人之救危

國以忠佛耳子書曰佛違也佛扶忽切

或有悅於目順於耳快於心而毀

於行者非有明王聖主孰能聽之矣吳王曰何為其然

也中人以上可以語上也

論語孔子曰中人以上可以語上也中人以下不可以語

也先生試言寡人將覽焉先生對曰昔關龍逢深諫於

桀而王子比干直言於紂

尸子曰義必利雖桀殺關龍逢紂殺王子比干猶謂之必

利也此二臣者皆極慮盡忠閔主澤不下流而萬民騷動

故直言其失切諫其邪者將以為君之榮除主之禍也

今則不然反以為誹

方未

謗君之行無人臣之禮

如淳曰漢書注

曰誹非上所行也

果紛然傷於身蒙不辜之名戮及先人為天

下笑

鄭玄禮記注曰戮猶辱也

故曰談何容易是以輔弼之臣瓦解

而邪諂之人並進

春秋考異郵曰瓦解土崩

遂及飛廉惡來草等

史記

曰中滴生蜚廉蜚廉生惡來惡來父子俱以材力事殷紂說苑子石曰費仲惡來草長鼻決耳崇侯虎順紂之

心欲以合於意武王伐紂四子身死牧之野

二人皆詐偽巧言利口以進其

身

論語子曰巧言令色鮮矣仁又曰惡利口之覆邦家

陰奉凋琢刻鏤之好以納

其心務快耳目之欲以苟容為度遂往不戒身沒被戮

宗廟崩弛國家為墟殺戮賢臣親近讒夫詩不云乎讒

人罔極交亂四國此之謂也

毛詩小雅文也鄭玄曰極猶已也

故卑身

賤體說色微辭愉愉

喻

煦煦

況

終無益於主上之治即

志士仁人不忍為也

愉愉煦煦和悅之貌也孝經鉤命決曰雖忻慎懼嘔嘔喻煦與嘔

同音吁論語子曰志士仁人無求生以害仁也

將儼然作矜莊之色深言直諫

上以拂人主之邪下以損百姓之害

拂與弼同

則忤於邪主

之心歷於衰世之法故養壽命之士莫肯進也遂居深

山之間積土為室編蓬為戶彈琴其中以詠先王之風

亦可以樂而忘死矣

尚書大傳曰子夏曰弟子所授書於夫子者不敢忘雖退而窮居河

濟之間深山之中作壞室編蓬戶尚彈琴瑟其中以歌先王之風則可以發憤矣

是以伯夷叔

齊避周餓于首陽之下後世稱其仁

論語子曰伯夷叔齊餓于首陽之下

民到于今稱之如是邪主之行固足畏也故曰談何容易於是

吳王懼然易容

懼敬貌也居具切

捐薦去几危坐而聽

捐薦去几自貶

損也管子曰少者之事先生危坐向師顏色無忤

先生曰接輿避世箕子被髮

佯狂此二子者皆避濁世以全其身者也

論語曰楚狂接輿歌而過

孔子尸子曰箕子骨餘漆體而為厲被髮佯狂以此免也

使遇明王聖主得賜清讌

之間寬和之色發憤畢誠圖畫安危揆度得失上以安主體下以便萬民則五帝三王之道可幾而見也故伊尹蒙恥辱負鼎俎和五味以干湯太公釣於渭之陽以

見文王

魯連子曰伊尹負鼎佩刀以干湯得意故尊宰舍六韜曰文王卜田史扁為卜曰于渭之陽將

天得焉非龍非龍非虎非狼兆得公侯天遺女師大王齊戒三日田于渭陽卒見呂尚坐茅以漁

心合

意同謀無不成計無不從誠得其君也深念遠慮引義

以正其身推恩以廣其下

孟子曰推恩足以保四海

本仁祖誼

戰國策蘇

代說齊王曰祖仁者王立義者霸

褒有德祿賢能誅惡亂總遠方壹統

類美風俗此帝王所由昌也上不變天性下不奪人倫
則天地和洽遠方懷之故號聖主臣子之職既加矣於
是裂地定封爵為公侯傳國子孫名顯後世民至于今
稱之以遇湯與文王也太公伊尹以如此龍逢比干獨
如彼豈不哀哉故曰談何容易於是吳王穆然俛而深
惟仰而泣下交頤穆猶默靜思貌也孫子兵法曰令發之日立寢者涕交頤曰嗟乎
余國之不亡也綿綿連連殆哉世之不絕也說文曰綿聯微也爾雅曰殆危也
於是正明堂之朝齊君臣之位舉賢才布德惠

施仁義賞有功躬親節儉減後宮之費捐車馬之用放

鄭聲遠佞人

論語顏淵問為邦子曰放鄭聲遠佞人鄭聲淫佞人殆

省庖厨去侈

靡卑宮館壞苑囿填池塹以與貧民無產業者開內藏

振貧窮存耆老恤孤獨薄賦斂省刑罰行此三年海內

晏然天下大治陰陽和調萬物咸得其宜

孫卿子曰萬物得宜時變

得應國無災害之變民無飢寒之色家給人足畜積有餘

圉囿空虛

文王曰法寬刑緩囿囿空虛

鳳凰來集麒麟在郊

禮記曰鳳凰麒麟

麟皆在郊數

甘露既降朱草萌芽

禮記曰天降甘露鄭立曰膏猶甘也尚書大傳曰德

光地序則
朱草生

遠方異俗之人嚮風慕義各奉其職而來朝

賀故治亂之道存亡之端若此易見

呂氏春秋曰治亂存亡如可見如不

可而君人者莫肯為也臣愚竊以為過故詩曰王國克

生惟周之楨濟濟多士文王以寧此之謂也

毛詩小雅文也

四子講德論

并序

王子淵

褒既為益州刺史王褒作中和樂職宣布之詩又作傳

漢書曰益州刺史王褒欲宣風化於衆庶聞王褒有俊才使褒作中和樂職宣布詩選好事者令依鹿鳴之聲

習而歌之褒既為刺史作頌又作傳如淳曰言王政
中和在官者樂其職國語所謂宣布哲人之令德也名

曰四子講德以明其意焉微斯文學問於虛儀夫子曰

蓋聞國有道貧且賤焉恥也

論語子曰邦有道貧且賤焉恥也

今夫子

閉門距躍專精趨學有日矣

距躍不行也應劭風俗通曰涉始於足足率長十寸

十寸則尺一躍三尺
法天地人再躍則涉

幸遭聖主平世而久懷寶

論語陽貨謂孔

子曰懷其實而迷
其邦可謂仁乎

是伯牙去鍾期而舜禹遁帝堯也

廣雅

曰適
避也

於是欲顯名號建功業不亦難乎夫子曰然有是

言也夫蚊蟲終日經營不能越階序

說文曰蚊蟲蠶人飛蟲也莊子曰蚊

螽斯蝻蝻亡云切螽莫銜切爾雅曰東西牆謂之序附驥尾則涉千里攀鴻翮則

翔四海

文子曰螽與驥致千里而不飛

僕雖頑嚚願從足下雖然何由

而自達哉文學曰陳懿誠於本朝之上行話談於公卿

之門

春秋說題辭曰東懿誠之義思至忠之功高誘淮南子注曰本朝國朝也

夫子曰無介

紹之道安從行乎公卿

禮記曰介紹而傳命

文學曰何為其然也

晉甯戚商歌以干齊桓

呂氏春秋曰甯戚飯牛車下望桓公而悲擊牛角疾歌淮南子

曰甯越商歌車下而桓公悅然而悟許慎曰商秋聲也

越石負芻而寤晏嬰

晏子春秋

曰晏子之晉至于中牟睹敝冠皮裘負芻息於途側者晏子曰吾子何為者對曰吾越石父者也晏子曰何為

此曰吾為人臣僕於中年見使將歸晏子曰何為為僕對曰吾身不免凍餒之地吾是以為僕也晏子曰可得而贖乎對曰可遂解左膝而贖之因載而與之俱歸至舍不辭而入越石父立而請絕晏子使人應之子何絕我之暴也越石父對曰臣聞之士者詘乎不知己而申乎知己吾三年為人臣而莫吾知也今子贖我吾以子為知我矣今不辭而入是與臣僕者同矣晏子出見之曰嚮也見客之容而今也見客之意也非有積

素累舊之歡皆塗覲卒遇而以為親者也故毛嬙西施

善毀者不能蔽其好

慎子曰毛嬙先施天下之姣也衣之以皮悞則見之者皆走易之玄

錫則行者皆止先施西施一也

嫫母

媼母

倭鬼

善譽者不能掩其醜

孫卿

子曰閭嫁子奔莫之媒也媼母力父是之喜也倭鬼醜女未詳所見倭於為切鬼古曰切

苟有至道

何必介紹夫子曰咨夫特達而相知者千載之一遇也
擇賢而處友者衆士之常路也是以空柯無刃公輸不

能以斲但懸曼矰蒲苴不能以射

聲類曰但徒也薛君韓詩章句曰曼長也

鄭玄周禮注曰結繳於矢謂之矰矰高也列子曰蒲苴子弋弱弓纖繳乘風而振之連雙鶴于青雲故膺

騰撇波而濟水不如乘舟之逸也

說文曰擘擊也擘與撇同也足設切衝

蒙涉田而能致遠未若遵塗之疾也才蔽於無人行哀
於寡黨此古今之患唯文學慮之文學曰唯唯敬聞命
矣於是相與結侶攜手俱游求賢索友厯于西州有二

人馬乘輅而歌倚輓

王難

而聽之

輅車也白虎通曰名車為輅者何言所以步之

於路也包咸論語注曰輓者輅端橫木以縛輓也

詠歎中雅轉運中律彈關緩

舒繹曲折不失節

禮記曰彈指慢易繁文簡節之音作而民康樂

問歌者為誰

則所謂浮游先生陳丘子者也於是以士相見之禮友

焉

儀禮曰士相見之禮贄冬用雉夏用胸左頭奉之

禮文既集

韓子曰禮有文禮者義之文

文學夫子降席而稱曰俚人不識寡見尠聞

劉德漢書注曰

俚鄙也

曩從末路望聽玉音竊動心焉

尚書大傳曰天下諸侯莫不玉音金

聲

敢問所歌何詩請聞其說浮游先生陳丘子曰所謂

中和樂職宣布之詩益州刺史之所作也刺史見太上

聖明股肱竭力

如淳漢書注曰太上天子也尚書大傳曰股肱臣也

德澤洪茂黎

庶和睦天人竝應屢降瑞福故作三篇之詩以歌之也

文學曰君子動作有應從容得度南容三復白珪孔子

睹其慎戒

論語曰南容三復白珪孔子以其兄之子妻之

太子擊誦晨風文侯

諭其指意

韓詩外傳曰魏文侯有子曰擊次曰訴訴少而立之以為嗣封擊中山三年莫往來其傅

趙倉唐諫曰何不遣使乎則臣請使擊曰諾於是遂求

北犬晨雁齋行倉唐至曰北藩中山之君再拜獻之文

侯曰噫擊知吾好北犬嗜晨雁也即見使者文侯曰中

山之君亦何好乎對曰好詩文侯曰於詩何好曰好晨

風文侯曰晨風謂何對曰詩云鷕彼晨風鬱彼北林未見君子憂心欽欽如何如何忘我實多此自以忘我者也於是文侯大悅曰欲知其君視其所使中山君不賢惡能得賢傳遂廢太子訴立中山君以為嗣今吾

子何樂此詩而詠之也先生曰夫樂者感人密深而風

移俗易

禮記曰樂者聖人所作也其感人深又曰樂者所以移風易俗也

吾所以詠歌

之者美其君術明而臣道得也君者中心臣者外體外

體作然後知心之好惡臣下動然後知君之節趨

子思子曰

民以君為心君以民為體心正則體修心肅則身敬也

好惡不行則是非不分節

趨不立則功名不宣故美玉蘊於砥武硤夫凡人視之

快焉

馬融論語注曰蘊藏也戰國策曰白骨疑象武夫類玉張揖漢書注曰武夫石之次玉者廣蒼曰快

忽忘也快他沒切

良工砥之然後知其和寶也精鍊藏於鑛朴

庸人視之忽焉

精鍊金也金百鍊不耗故曰精鍊也說文曰鑛銅鐵璞也鑛與礪同爪並切

巧冶鑄之然後知其幹也況乎聖德巍巍蕩蕩民氓所

不能命哉

論語子曰大哉堯之為君也蕩蕩乎民無能名焉巍巍乎其有成功廣雅曰命名也是

以刺史推而詠之揚君德美深乎洋洋固不覆載紛紜

天地寂寥宇宙

言所覆者廣也紛紜衆多之貌也寂寥曠遠之貌也明君之惠顯

忠臣之節究

爾雅曰究窮也郭璞曰謂窮盡也

皇唐之世何以加茲是

以每歌之不知老之將至也

論語子曰發憤忘食樂以忘憂不知老之將至也

文學曰書云迪一人使四方若卜筮

尚書曰迪一人有事四方若卜筮無

不是孚孔安國曰迪道也孚信也

夫忠賢之臣導主志承君惠摠盛德

而化洪天下安瀾比戶可封

瀾水波安瀾以喻太平也尚書大傳曰周民可比屋

而何必歌詠詩賦可以揚君哉愚竊惑焉浮游先生色

勃皆溢曰是何言與

論語子曰君召使擯色勃如也孝經子曰是何言與

昔周公

詠文王之德而作清廟建為頌首吉甫歎宣王穆如清

風列于大雅

毛詩周頌曰清廟祀文王也周公既成雒邑朝諸侯率以祀文王焉毛詩大雅序曰

燕氏尹吉甫美宣王也詩
曰吉甫作誦穆如清風

夫世衰道微偽臣虛稱者殆

也世平道明臣子不宣者鄙也鄙殆之累傷乎王道故

自刺史之來也宣布詔書勞來不殆令百姓徧曉聖德

莫不需濡庀

江邊

眉耆耆之老

庀雜也謂眉有白黑雜色

咸愛惜朝夕

願濟須臾且觀大化之淳流於是皇澤豐沛主恩滿溢

百姓歡欣中和感發是以作歌而詠之也

感發謂情感于中發言為

詩傳曰詩人感而後思思而後積積而後滿滿而後作

言之不足故嗟歎之嗟歎之不足故詠歌之詠歌之不

厭不知手之舞之足之蹈之也

樂動聲儀文也

此臣子於君父

之常義古今一也今子執分寸而罔億度

億度之言無限也韓子曰

有尺寸而無億度又曰則識無緣而

處把握而却寥廓

乃欲圖大人之樞機道方伯之失得不亦遠乎

大人謂天子也

周易曰利見大人又曰言行君子之樞機

陳丘子見先生言切恐二客慙膝

步而前曰先生詳之

戰國策曰荆軻見太子太

行潦老子

暴集江海不以為多

左氏傳曰君子曰潢汙行潦之水杜預曰行潦流潦也莊子海若曰

天下之水莫大於海百川歸之而不盈

鰌鰕並逃九罟

域不以為虛

爾雅曰鰌

鰯郭璞曰今泥鰯也鰯似立切鰯且由切郭璞山海經注曰鰯魚似蛇時閨切毛詩曰九鰯之魚鰯爾雅曰

九鰯魚網也

是以許由匿堯而深隱唐氏不以衰

呂氏春秋曰昔堯朝

許由於沛澤之中請屬天下夷齊恥周而遠餓文武不

以卑

夷齊已見上文

夫青蠅不能穢垂棘

毛詩曰營營青蠅止于樊鄭玄曰蠅之為

蟲汙白使黑汙黑使白左氏傳曰晉荀息請以垂棘之璧假道于虞以伐虢

邪論不能惑孔

墨今刺史質敏以流惠舒化以揚名采詩以顯至德歌

詠以董其文

爾雅曰董正也

受命如絲明之如緙

禮記曰王言如絲其出如

綸王言如綸其出如綸音弗鄭玄曰言出彌大也

甘棠之風可倚而俟也

毛詩序曰

甘棠美召伯也召伯之教明于南國

二客雖室計沮

言二客雖與議何傷於計室塞

於議沮敗何傷于理乎言未傷也爾雅曰室塞也

顧謂文學夫子曰先生微矜

於談道又不讓乎當仁

論語子曰當仁不讓於師

亦未巨過也願二

子措意焉夫子曰否夫雷霆必發而潛底震動

呂氏春秋曰開

春始雷則枹字

鼓鏗

苦耕

鏘羊

而介士奮竦

左氏傳曰卻克援枹而鼓

鄭玄周禮注曰介被甲也

故物不震不發士不激不勇今文學之言

欲以議愚感敵舒先生之憤願二生亦勿疑

言議前敵之愚以感

動於是文繹復集乃始講德

馬融論語注曰繹尋繹也

文學夫子曰

昔成康之世君之德與臣之力也

韓子曰晉平公問叔向曰齊桓公九合諸

侯臣之力耶君之力耶與音余

先生曰非有聖智之君惡

烏

有甘棠之

臣故虎嘯而風寥唳龍起而致雲氣

周易曰雲從龍風從虎聖人作而萬

物蟋蟀俟秋吟蜉

浮

蜉由

出以陰

易通卦驗曰立秋蜻蛚鳴蔡邕月令章句

曰蟋蟀蟲也謂之蜻蛚也

易曰飛龍在天利見大人鳴聲相應仇偶

相從

周易曰同聲相應同氣相求水流濕火就燥

人由意合物以類同是以

聖主不徧窺望而視以明不殫傾耳而聽以聰何則淑

人君子人就者衆也

毛詩曰淑人君子其儀不忒

故千金之裘非一

狐之腋

亦

大厦之材非一丘之木太平之功非一人之

力也

慎子曰廊廟之材蓋非一木之枝狐白之裘非一狐之皮也治亂安危存亡榮辱之施非一人之力

也

盖君為元首臣為股肱明其一體相待而成有君而

無臣春秋刺焉

公羊傳曰宋公與楚人期戰于泓之陽宋師大敗故君子大其不鼓不成列臨

大事而不忘大禮有君而無臣以為難雖文王之戰亦不過此也何休曰惜其有王德而無王佐也

三代

以上皆有師傅五伯以下各自取友

說苑郭隗曰帝者之臣其名臣也其

實師也王者之臣其名臣也其實僕也伯者之臣其名臣也其實僕也

齊桓有管鮑隰宮

九合諸侯一匡天下

左氏傳曰鮑叔牙奉公子小白又曰齊桓衛姬之子有鮑叔牙隰朋

以為輔佐說苑鄒子曰甯戚叩轅行歌桓公任之以國政論語子曰桓公九合諸侯不以兵車管仲之力也又曰管仲相桓公一匡天下民到于今受其賜

晉文公有咎犯趙衰

楚危

取威定

霸以尊天子

左氏傳曰晉公子重耳奔狄從者狐偃趙衰顓頊魏武子司空季子杜預曰狐偃子

犯也司空季子胥臣曰季也左氏傳曰先軫謂晉侯曰報施救患取威定霸於是乎在矣秦穆有王

由五穀攘却西戎始開帝緒

韓詩外傳曰昔戎將由余使秦秦穆公問之得失之

要對曰古之有國者未嘗不以恭儉也失國者未嘗不以驕奢也繆公然之於是告內史王廖曰隣國有聖人敵國之憂也由余聖人也將秦之何王廖曰君其遺之女樂以娛其志然後可圖繆公曰善乃使王廖以其女樂二列遺戎王史記曰百里奚亡秦走宛秦繆聞百里奚欲重賄之恐楚不予請以五穀羊皮贖之楚人許予

之繆公與語國事大悅又曰秦用由余謀伐戎王并國
十二遂霸西戎春秋保乾圖曰五帝異緒宋衷曰緒業

也楚莊有孫叔子反兼定江淮威震諸夏

韓詩外傳曰
沈令尹建孫

叔敖於莊王叔敖治楚三年而楚國霸左氏傳曰楚子
圍鄭子反將右晉師救鄭及楚師戰于邲晉師敗績邲

步必切句踐有種蠡漂庸尅滅彊吳雪會稽之恥

漢書曰
江都王

問董仲舒曰越王句踐與大夫漂庸種蠡謀伐吳遂滅
之孔子稱股有三仁寡人亦以為越有三仁史記曰吳
王夫差伐越敗之越王句踐乃以甲兵五千人棲于會
稽入曰句踐自會稽歸拊循其士民伐吳大破之吳王

自敗也魏文有段干田翟秦人寢兵折衝萬里

呂氏春秋
曰孟嘗君

問白圭曰魏文侯名過桓公而政不及五伯何也白圭
對曰文侯師子夏友田子方敬段干木此名之所以過

桓公也而名號顯蒙者三士羽翼之也史記魏文侯謂李克曰寡人之相非成即璜璜翟璜也成魏文侯弟名也呂氏春秋曰段干木者魏文敬之過其廬而戟秦欲攻魏而司馬康諫曰段干木賢者而魏禮之天下皆聞無乃不可加兵乎燕昭有郭隗樂毅夷破彊齊困閔於秦君以為然乃止

莒

史記曰燕昭王以子之之亂而齊大破燕燕昭王怨齊於是詆身下士先禮郭隗以招賢者樂毅為魏使

於燕燕昭王以為亞卿使樂毅伐齊破之夫以諸侯之追至于臨菑齊湣王走保於莒渚與閔同

細功名猶尚若此而況帝王選於四海羽翼百姓哉高誘

呂氏春秋注曰羽翼輔佐也

故有賢聖之君必有明智之臣欲以積

德則天下不足平也欲以立威則百蠻不足攘也毛萇詩傳

曰據除也

今聖主冠道德履純仁被六藝佩禮文屢下明詔

舉賢良求術士招異倫拔駿茂是以海內歡慕莫不風

馳雨集襲雜竝至填庭溢闕含淳詠德之聲盈耳登降

揖讓之禮極目進者樂其條暢怠者欲罷不能

條猶理也漢書

音義曰暢通也

偃息匍匐乎詩書之門游觀乎道德之域咸絜

身修思吐情素而披心腹各悉精銳以貢忠誠允願推

主上弘風俗而騁太平濟濟乎多士文王所以寧也

濟濟

多士已見上文

若乃美政所施洪恩所潤不可究陳舉孝以篤

行崇能以招賢去煩蠲苛以綏百姓祿勤增奉以厲貞

廉

漢書宣紀曰律令有可蠲除以安百姓條奏又曰吏不廉平則治道微今小吏皆勤事祿薄其益吏奉什

五減膳食卑宮觀

宣紀曰今太官損膳省宰又曰郡國宮觀勿復修理

省官田損

諸苑

宣紀曰池藥未御幸者假與貧人

疎繇役振乏困

宣紀曰流人還歸勿算繇事又

曰遣使者振貸乏困

恤民災害不遑遊宴

宣紀曰今天下頗被疾病之災朕甚慙之

閔

耄老之逢辜憐縗經之服事

宣紀曰朕惟耆老之人髮齒墮落亦無暴虐之心諸

年八十以上非誣告人殺傷人他皆勿坐又曰百姓遭

線經凶災而吏繇事傷孝子之心自今有大父母父母

喪者勿繇事惻隱身死之腐人悽愴子弟之縗匿

宣紀曰今

掠奪若飢寒死獄中朕甚痛之又曰自
今于首匪父母孫匪大父母皆勿坐 恩及飛鳥惠及

走獸胎卵得以成育草木遂其零茂

尸子曰湯之德及鳥獸矣莊子曰至

德之世禽獸成羣草木遂長

愷悌君子民之父母豈不然哉

毛詩大雅

先生獨不聞秦之時邪違三王背五帝滅詩書壞禮義

信任羣小憎惡仁智詐偽者進達佞諂者容入宰相刻

削大理峻法

廣雅曰峭急也謂嚴急也峻與峭同

處位而任政者皆短於

仁義長於酷虐狼摯虎攫懷殘秉賊

孟子曰賊仁者謂之賊賊義者謂之

殘其所臨莅莫不飢慄懼伏吹毛求疵並施螫毒百姓

征徭無所措其手足

韓子曰古之人君大體者不吹毛而求小疵不洒垢而察難知方言

曰征徭惶遽也論語子曰刑罰不中則民無所措手足

徭徭愁怨遂亡秦族

是以養雞者不畜狸牧獸者不育豺樹木者憂其蠹保

民者除其賊

文子曰乳犬噬虎伏雞搏狸又曰所為立君者以禁暴亂也夫養禽獸者必除豺狼

又況牧民乎又曰木林生蠹還自食人生事因自賊

故大漢之為政也崇簡易尚

寬柔進淳仁舉賢才上下無怨民用和睦

孝經曰民用和睦上下無

怨今海內樂業朝廷淑清天符既章人瑞又明品物咸

亨山川降靈

周易曰雲行雨施品物咸亨

神光耀暉洪洞朗天

宣紀曰薦

卷之夕神光交錯或降於天或登於地

鳳凰來儀翼翼邕邕羣鳥竝從舞

德垂容

宣紀曰鳳凰集魯羣鳥從之尚書曰鳳凰來儀爾雅曰翼翼恭也邕邕和也又曰邕邕者聲和

也山海經曰鳳首文曰德

神雀仍集麒麟自至

宣紀神雀儼集凡真獻奇獸

甘露

滋液嘉禾櫛比

宣紀曰甘露降未央宮又曰嘉穀立稷降於郡國

大化隆洽男

女條暢家給年豐咸則三壤豈不盛哉

尚書曰咸則三壤成賦中邦

昔文王應九尾狐而東夷歸周

春秋元命苞曰天命文王以九尾狐

武王

獲白魚而諸侯同辭

尚書璇璣鈴曰武王得兵鈴謀東觀白魚入舟俯取以燎八百諸侯

順同不謀魚者視用無足翼從欲射如魚乃誅

周公受秬鬯而鬼方臣

周公受秬鬯未

詳鄭玄詩箋曰
鬼方遠國名

宣王得白狼而夷狄賓

史記曰穆王征犬戎得四白狼

以歸今云
宣王未詳

夫民自正而事自定也

論語曰名不正則言不順言不順則事不

成今南郡獲白虎亦偃武興文之應也獲之者張武武

張而猛服也是以北狄賓合邊不恤寇甲士寢而旌旗

仆也文學夫子曰天符既聞命矣敢問人瑞先生曰夫

匈奴者百蠻之最彊者也

毛詩曰因時百蠻

天性憍蹇習俗桀

暴

左氏傳曰彼皆偃蹇杜預曰偃蹇憍傲也

賤老貴壯氣力相高

史記曰匈奴貴壯健

賤老弱也

業在攻伐事在獵射

史記曰匈奴因射獵為生業習戰攻以侵伐

兒能

騎羊走箭飛鏃

史記曰匈奴兒能騎羊引弓射鳥鼠也

逐水隨畜都無常

處

史記曰匈奴逐水草遷徙無城郭常處

鳥集獸散往來馳騫周流曠野

以濟嗜欲其耒耜則弓矢鞬馬播種則扞弦掌拊

禮記曰左

佩決扞鄭玄曰扞拾也言所以拾弦也何旦切鄭玄禮記注曰拊弓把也音夫

收秋則奔狐馳

免獲刈則顛倒殪

伊史記曰匈奴射計仆狐兔用為食

追之則奔遁

釋之則為寇

史記曰匈奴利則進不利則退不羞遁走

是以三王不能懷五

伯不能綏驚遠机士屢犯芻蕘詩人所歌自古患之

毛詩

曰六月棲棲戎車既飭四牡騤騤載是常服獫狁孔熾我是用急

今聖德隆盛威靈外

覆日逐舉國而歸德單于稱臣而朝賀

史記曰日逐王先賢揮將人衆

來降鄭氏曰揮音燮東之燮又曰單于稱臣使弟奉珍朝賀正月

乾坤之所開陰陽之

所接編

蕭結

沮顏焦齒泉閭

閭

翦髮黥首文身裸

方

袒之國

編結謂編髮也漢書終單曰解辮髮削左社又曰匈奴有罪小者軋音義曰刀刻其面蓋沮

顏也焦齒未詳又曰大宛深目多鬚蓋泉閭也黥首蓋雕題也山海經曰雕題國在鬱林南

靡不奔

走貢獻懽忻來附婆婆嘔吟鼓掖而笑夫鴻均之世何

物不樂

孔安國尚書傳曰洪大也鴻與洪古字通毛萇詩傳曰均平也

飛鳥翕翼泉魚

奮躍

毛詩曰驚騖也韓詩曰驚飛戾天魚躍于淵薛君曰魚

喜樂則踴躍于衆中

是以刺史感懣

莫本

舒音而詠至德鄙人黠淺

不能究識

黠不明也烏感切

敬遵所聞未尅殫焉於是二客醉

於仁義飽於盛德

毛詩曰既醉以酒既飽以德

終日仰歎怡懌而悅

服

文選卷五十一

欽定四庫全書

文選卷五十二

梁蕭統編

唐李善註

論上

王命論

王命帝王受命也漢書曰彪遭王莽敗光武即位於冀州時隗囂據隴擁衆囂問彪

曰往者周亡戰國並爭天下分裂意者縱橫之事復起於今乎

班叔皮

昔在帝堯之禪曰咨爾舜天之歷數在爾躬舜亦以命

禹

論語文也尚書帝曰來禹予懋乃德嘉乃丕績天之

歷數在汝躬汝終陟元后孔安國曰歷數謂天道也

元后天子也爾

推曰命告也暨于稷契咸佐唐虞光濟四海奕世載

德至于湯武而有天下

稷武王之祖也契成湯之祖也杜預左氏傳注曰暨至也國語

祭公謀父曰奕世載德孔安國尚書傳曰載行也

雖其遭遇異時禪代不同至

於應天順人其揆一焉

周易曰湯武革命順乎天應乎人孟子曰先聖後聖其揆一也

是故劉氏承堯之祚氏族之世著於春秋

漢書贊曰春秋晉史蔡墨

有言陶唐氏既衰其後有劉累范氏其後也范氏為唐

晉士師魯文公世出奔秦後歸于晉其處者為劉氏

據火德而漢紹之

帝系曰帝堯封于唐為火德漢書贊曰漢承堯運德祚已盛斷蛇著符旗

職尚赤陽於火德
然之應得天統矣

始起沛澤則神母夜號以彰赤

帝之符

漢書曰高祖夜徑澤中有大蛇當徑高祖乃拔劍斬地後人來至地所有一老嫗夜哭曰

吾子白帝子也化為蛇當道今者赤帝子斬之又曰高祖立為沛公旗幟皆赤由是知所殺地白帝子殺

者赤帝子故也由是言之帝王之祚必有明聖顯懿之德春秋

河圖脩命篇曰倉戲農黃三陽翼天德聖明法言曰昔在有熊高辛唐虞三代咸有顯德故天因而祚之

豐功厚利積累之業

史記索侯虎曰西伯積善累德諸侯皆嚮之

然後精

誠通於神明流澤加於生民

孝經子曰孝悌之至通於神明尚書周公曰道

洽政治澤潤生民

故能為鬼神所福饗天下所歸往

孟子萬章曰克

薦舜如何曰使之主祭百神享之使之主事事治而百姓安之易乾鑿度曰王者天下所歸韓詩外傳曰王者往也天下未見運世無本功德不紀而得偃往之謂之王也

起在此位者也

運世五行更運相次之世也不紀不為人所記也春秋元命苞曰三

德之運應銀相次代埤蒼曰崛特起也崛與偃同

世俗見高祖興於布衣

不達其故

漢書曰高祖曰吾以布衣取天下家語孔子曰舜起布衣而終以帝也以

為適遭暴亂得奮其劍

適猶遇也漢書高祖曰吾提三尺劍取天下遊

說之士至此天下於逐鹿幸捷而得之

漢書隗囂曰秦失其

鹿劉季逐而得之時人復知漢乎太公六韜曰取天下若逐野鹿得鹿天下共分其肉

不知神器

有命不可以智力求

韋昭曰神器天子璽符服御之物善曰老子曰天下神器不可為也

為者賦之也

悲夫此世之所以多亂臣賊子者也

孟子曰孔子成春秋

而亂臣賊子懼

若然者豈徒闇於天道哉又不覩之於人事矣

夫餓饉流隸飢寒道路

說文曰餓飢也穀梁傳曰五穀不升謂之饉流隸流移賤隸也

左氏傳曰人有十等與臣隸也饉或為殍荀悅曰道殣謂之殍也

思有短褐之襜褕石之

蓄

韋昭曰短謂短襦也毛布曰褐短丁管切說文曰襦重衣也字林曰襦大襦也晉灼曰無一擔與一斛

之所願不過一金終於轉死溝壑

韋昭曰一斤為一金孟子謂滕文公曰為

人父母使老稚轉乎溝壑惡在其為民父母也

何則貧窮亦有命也

墨子曰貧富治亂固

有天命不可損益也況乎天子之貴四海之富神明之祚可得而

妄處哉

禮記孔子曰舜其大孝也與尊為天子富有四海之內宗廟饗之子孫保之法言曰天因祚之

為神明主也

故雖遭罹厄會竊其權柄勇如信布彊如梁籍

成如王莽然卒潤鑊伏鎗烹醢分裂

史記曰項籍其季父項梁陳勝等起

梁為楚上柱國軍下邳自號武信君北至定陶再破秦軍後秦大破之項梁死

又況么麼不及

數子而欲闔干天位者乎

鵬冠子曰無道之君任用么麼動則煩濁有道之君任用

俊雄動則明白通俗文曰不長曰么細小曰麼莫可切爾雅曰干求也

是故駕蹇之乘不

騁千里之塗

廣雅曰驚駘也今謂馬之下者為驚王逸楚辭注曰蹇跛也呂氏春秋曰所謂貴驥

者為其一
日千里也

鶯雀之時不奮六翮之用

史記陳涉曰鶯雀安知鴻鵠之志哉

韓詩外傳蓋賁曰夫鴻鵠一舉千里所恃者六翮耳

棠稅之材不荷棟梁之任

應劭

曰爾雅曰栢謂之棠稅侏儒柱善曰說文曰栢析上梁周易曰棟隆之吉不桡乎下也棠音節稅之劣切

斗

筭之子不秉帝王之重

音義曰筭竹筭也受一斗論語子曰斗筭之人何足算也

易

曰鼎折足覆公餗不勝其任也

周易鼎卦之辭也說文曰餗鼎實也鬻與餗同

音達當秦之末豪傑竝起共推陳嬰而王之嬰母止之曰

自吾為子家婦而世貧賤今卒富貴不祥不如以兵屬

人事成少受其利不成禍有所歸嬰從其言而陳氏以

寧

史記文

王陵之母亦見項氏之必亡而劉氏之將興也

是時陵為漢將而母獲於楚有漢使來陵母見之謂曰

願告吾子漢王長者必得天下子謹事之無有二心遂

對漢使伏劍而死以固勉陵其後果定於漢陵為宰相

封侯

史記文

夫以匹婦之明猶能推事理之致探禍福之

機

白虎通曰庶人稱匹夫何言其夫妻為偶也鄭玄周禮注曰致猶會也

全宗祀于無窮

垂策書於春秋而況大丈夫之事乎

張晏曰周書史記也晉灼曰至周名春秋

考紀也善曰孟子曰富貴不能淫貧賤不能移此之謂大丈夫也

是故窮達有命吉凶

由人

呂氏春秋曰道德於此窮達一也左氏傳周內史叔與曰吉凶由人

嬰母知廢陵母

知興審此二者帝王之分決矣蓋在高祖其興也有五

一曰帝堯之苗裔二曰體貌多奇異

漢書曰高祖為人隆準而龍顏美鬚

聳左股有七十二黑子

三曰神武有徵應

徵應謂下衆瑞也

四曰寬明而

仁恕

漢書曰高祖寬仁愛人意豁如也

五曰知人善任使

高祖任張良以運籌委蕭

何以關內是也

加之以信誠好謀達於聽受見善如不及用人

如由己

論語子曰見善如不及

從諫如順流趣時如響起

左氏傳叔向曰

齊桓公從善如流周易曰變通者趣時者也

當食吐哺納子房之策

漢書酈食其欲

立六國後漢王以問張良良發八難拔足揮洗揖酈生

之說漢書曰酈食其求見沛公方踞牀使兩女子洗足酈生不拜長揖曰足下必欲誅無道秦不宜踞見

長者沛公起攝衣謝之延上坐食其說沛公繫陳留悟成卒之言斷懷土之情漢書

曰高祖西都咸陽成卒晏敬說上曰陛下都洛陽高四

不便不如入關據秦之固是日車駕西都咸陽

皓之名割飢膚之愛漢書曰上欲廢太子立戚夫人子

顧上有所不能致四人令太子為書卑辭安車請以為

客令上見之則一助也於是太子迎四人至上破黥布

求公公進避我今公何自從吾兒游煩公幸卒調護太

子後竟不易太子者良

本招此四人之力也

舉韓信於行陣收陳平於亡命

漢書曰蕭何薦韓信於漢王於是漢王齎戒設壇場拜信為大將軍又曰陳平亡楚來降漢王與語說之使駢乘監諸將英雄陳力羣策畢舉此高祖之大略所以成帝業

也莊子許由曰我為汝言其大略廣雅曰略法也若乃靈瑞符應又可略聞矣

略也初劉媪妊高祖而夢與神遇震雷晦冥有龍蛇之

怪漢書曰高祖母媪嘗息大澤之陂夢與神遇是時雷電晦冥父往視則見蛟龍據其上已而有娠遂產高

祖說文曰妊孕也如蔭切及長而多靈有異於衆是以王武感物而

折契呂公親形而進女漢書曰高祖嘗從王媪武負貫酒時飲醉卧武負王媪見其上

常有怪戲竟此兩家常折券棄債貫食夜切又曰呂公見高祖曰臣少好相人相人多矣無如季相臣有息女

願為箕
帚妾也

秦皇東遊以厭其氣吕后望雲而知所處

漢書
秦始

皇帝曰東南有天子氣於是東遊以厭當之高祖隱於芒碭山澤間吕后與人俱求常得之高祖怪問吕后曰季所居上常有雲氣故從往常得季說文曰厭塞也於再切

始受命則白蛇分西入

關則五星聚

白蛇分已見上文漢書曰元年冬十月五星聚於東井沛公至霸上也

故淮

陰留侯謂之天授非人力也

漢書韓信謂高祖曰且陛下天授非人力也又曰張

良數以太公兵法說沛公沛公喜常用其策為他人言皆不省良曰沛公殆天授故遂從之

歷古今

之得失驗行事之成敗稽帝王之世運考五者之所謂

取舍不厭斯位符瑞不同斯度

韋昭曰厭合也善曰一艷切

而苟昧

權衡越次妄據外不量力內不知命

左氏傳曰息侯伐鄭君子曰不量力

論語孔子曰不知命無以為君子

則必喪保家之主失天年之壽

左氏傳曰

趙孟過鄭印段賦蟋蟀趙孟曰保家之主也莊子弟子問於莊子曰山中之木以不材得終其天年也

遇

折足之凶伏斧鉞之誅英雄誠知覺寤畏若禍戒超然

遠覽淵然深識收陵嬰之明分絕信布之覲覲

左氏傳師服曰

下無覲覲杜預曰下不敢望上位也說文曰覲幸也覲欲也

距逐鹿之瞽說審神器

之有授貪不可冀無為二母之所笑

韋昭曰幾望也今本作冀

則福

祚流于子孫天祿其永終矣

尚書曰四海困窮天祿永終

典論論文

魏文帝

文人相輕自古而然傅毅之於班固伯仲之間耳而固小之與弟超書曰武仲以能屬文為蘭臺令史下筆不

能自休

伯仲喻兄弟之次也言勝負在兄弟之間不甚相踰也范曄後漢書曰班超字仲升徐令彪

之少子也

夫人善於自見而文非一體鮮能備善是以各以

所長相輕所短里語曰家有弊帚享之千金斯不自見

之患也

東觀漢記曰吳漢入蜀都縱兵大掠上詔讓漢曰城降孩兒老母口萬數一旦放兵縱火聞之

可為酸鼻家有弊帚享之千金為宗室子孫故嘗更
賦何忍行此杜預左氏傳注曰亨通也亨或為享今

之文人魯國孔融文舉廣陵陳琳孔璋山陽王粲仲宣

北海徐幹偉長陳留阮瑀元瑜汝南應瑒德璉東平劉

楨公幹斯七子者於學無所遺於辭無所假咸以自騁

騏驎於千里仰齊足而並馳以此相服亦良難矣千里已見

上丈毛萇詩傳曰田獵齊足尚疾也蓋君子審己以度人故能免於斯累

呂氏春秋曰君子必審諸己然後任人楚辭曰羌內恕己以量人王逸曰量度也而作論文王

粲長於辭賦徐幹時有齊氣然粲之匹也言齊俗文體舒緩而徐幹

亦有斯累漢書地理志曰故齊詩曰子之還
分遭我乎貓之間兮此亦其舒緩之體也如粲之初

征登樓槐賦征思幹之玄猿漏卮員扇橘賦雖張蔡不

過也然於他文未能稱是琳瑯之章表書記今之雋也

應瑒和而不壯劉楨壯而不密孔融體氣高妙有過人

者然不能持論理不勝詞
漢書東方朔枚皋不長持論孔叢子平原君謂公孫龍曰

公無復興孔子高辯事也其至於雜以嘲戲及其所善
人理勝於辭公辭勝於理

楊班儔也常人貴遠賤近向聲背實又患闇於自見謂

己為賢夫文本同而末異蓋奏議宜雅書論宜理銘誄

尚實詩賦欲麗此四科不同故能之者偏也唯通才能

備其體文以氣為主氣之清濁有體不可力強而致譬

諸音樂曲度雖均節奏同檢蒼頡篇曰檢法度也至於引氣不齊

巧拙有素雖在父兄不能以移子弟桓子新論曰惟人心之所獨曉父不

能以禪子兄不能以教弟也蓋文章經國之大業不朽之盛事年壽

有時而盡榮樂止乎其身二者必至之常期未若文章

之無窮是以古之作者寄身於翰墨見意於篇籍不假

良史之辭不託飛馳之勢而聲名自傳於後故西伯幽

而演易周旦顯而制禮

司馬遷書曰西伯拘而演周易

不以隱約而弗

務不以康樂而加恩

周易曰德約者觀其不憚懼也

夫然則古人賤尺

璧而重寸陰懼乎時之過已

淮南子曰聖人不貴尺之璧而重寸之陰時難得而

易失孔叢子孔子曰不讀易則不知聖人之心必不使時過已也

而人多不強力貧賤

則懾於飢寒富貴則流於逸樂

鄭玄禮記注曰懾恐懼也賈逵國語注曰流放

也遂營目前之務而遺千載之功日月逝於上體貌衰

於下忽然與萬物遷化斯志士之大痛也

古詩曰奄忽隨物化榮名

以為實融等已逝唯幹著論成一家言

六代論

論夏殷周
秦漢魏也

曹元首

魏氏春秋曰曹問字元首少帝族祖也
是時天子幼稚問冀以此論感悟曹爽

爽不能納為弘農太
守少帝齊王芳也

昔夏殷周之歷世數十而秦二世而亡

紀年曰凡夏自
禹以至子桀十

七王殷自成湯滅夏以至子受三十九王大戴禮曰殷
為天子二十餘世而周受之周為天子三十餘世而秦
受之秦為天子二世而亡何殷
周有道而長秦無道而暴也

何則三代之君與天下

共其民故天下同其憂秦王獨制其民故傾危而莫救

夫與人共其樂者人必憂其憂與人同其安者人必拯

其危先王知獨治之不能久也故與人共治之

班固漢書贊曰

孝宣帝稱曰與我共此者其唯良二千石乎

知獨守之不能固也故與人共

守之

班固漢書贊曰昔周城則周召相其治致刑措衰則五伯扶其弱與共守之

兼親疎而

兩用參同異而並進是以輕重足以相襲親疎足以相

衛并兼路塞逆節不生

賈誼過秦曰秦并兼諸侯山東二十郡漢書主父偃說上曰今

以法割削諸侯則逆節萌起

及其衰也桓文帥禮

齊桓晉文

苞茅不貢齊

師伐楚宋不城周晉戮其宰

左氏傳曰齊侯伐楚楚子使與師言曰不虞君之涉

吾地何故管仲對曰爾貢苞茅不入王祭不供無以縮酒寡人是微又曰晉魏舒合諸侯之大夫于翟泉將以

城成周宋仲幾不受功曰滕辭郕吾役也為宋役亦
職也士伯怒曰必以仲幾為戮乃執仲幾歸諸京師王

綱弛而復張諸侯傲而復肅二霸之後寢以陵遲漢書曰二

霸之後寢以陵遲吳楚憑江負固方城雖心希九鼎而畏迫宗

姬左氏傳屈完對齊侯曰楚國方城以為城漢水以為

池又曰楚子觀兵于周疆問鼎之大小輕重焉王孫

滿對曰周德雖衰天命未改鼎之輕重未可問也姦情散於胸懷逆謀消於唇

吻亡粉斯豈非信重親戚任用賢能枝葉碩茂本根賴之

與班固漢書述曰公族蕃滋枝葉碩茂自此之後轉相攻伐吳并於越晉

分為三魯滅於楚鄭兼於韓史記曰越王勾踐自會稽

之吳王自殺又曰魏武侯韓哀侯趙敬侯滅晉後而三分其地又曰楚考烈王伐滅魯又曰韓哀滅鄭并其國

暨乎戰國諸姬微矣唯燕衛獨存然皆弱小西迫彊秦

南畏齊楚救於滅亡匪遑相卹至於王赧簡降為庶人

猶枝幹相持得居虛位海內無主四十餘年

班固漢書贊曰暨於

王赧降為庶人用天年終號位已絕于天下尚猶枝葉相持莫得居其虛位海內無主四十餘年也秦據

甄勝之地騁謫詐之術征伐關東蠶食九國

班固漢書贊曰秦據

甄勝之地騁狙詐之兵蠶食山東一切取勝賈誼過秦曰九國之師遁逃而不敢進

至於始皇乃

定天位

尚書曰天位艱哉

曠日若彼用力若此

班固漢書贊曰至始皇乃并天

下以德若彼用力如此其難難也

豈非深根固蒂不拔之道乎

老子曰有國之

母可以長久是謂深根固蒂長生久視之道班固漢書贊曰所以親親賢賢褒表功德深根固本為不可拔者

也

易曰其亡其亡繫于苞桑周德其可謂當之矣

周易曰否

卦之辭也玄曰苞植也否世之人不知聖人有命咸云其將亡矣其將亡矣而聖乃自繫于植桑不亡也王弼曰心存將危乃得固也秦觀周之弊將以為小弱見奪於是廢五

等之爵立郡縣之官

班固漢書贊曰秦既稱帝患周之敗以為諸侯力爭四夷交侵以弱

見奪於是削去五等史記李斯奏曰置諸侯不便始皇於是分天下以為三十六郡置守尉監也

棄禮

樂之教任苛刻之政子弟無尺寸之封功臣無立錐之

土內無宗子以自毗輔外無諸侯以為蕃衛

班固漢書贊曰秦竊

自號謂皇帝而子弟為匹夫內亡骨肉本根之輔外亡尺土蕃翼之衛莊子曰堯舜有天下子孫無置錙之地

仁心不加於親戚惠澤不流於枝葉譬猶焚刈股肱獨

任胸腹浮舟江海捐棄楫櫂

法言曰灞灞之海濟樓航之力也航人無楫如航何

通俗文權謂楫也

觀者為之寒心而始皇晏然自以為關中之

固金城千里子孫帝王萬世之業也豈不悖哉

賈誼過秦曰天

下已定始皇之心以為關中之固金城千里子孫帝王萬世之業也

是時淳于越諫曰臣

聞殷周之王封子弟功臣千有餘人今陛下君有海內

而子弟為匹夫卒有田常六卿之臣而無輔弼何以相

救事不師古而能長久者非所聞也

史記曰齊簡公立田常闕止為左右

相田氏殺闕止簡公出奔田氏執簡公于徐州遂殺之又曰晉昭公卒六卿強公室卑六卿謂范氏中行氏智氏及趙韓魏也論語亂滑微曰陳滅齊六卿始皇聽李斯偏說而絀其義至身死之日無所寄付委天下之重

於凡夫之手記廢立之命於姦臣之口

史記曰始皇崩趙高乃與胡亥

丞相李斯陰破去始皇所封書賜公子扶蘇者而更詐為丞相受始皇遺詔立子胡亥為太子更為書賜公子扶蘇至令趙高之徒誅鋤宗室

史記曰二世尊用趙高申法令乃行誅大臣及

諸公子春秋合議
國曰誅鋤民害

胡亥少習尅薄之教長遵凶父之業

史記曰趙高故常教胡亥書及獄律令法
事史記太史公曰商君其天資刻薄人也

不能改制易

法寵任兄弟而乃師謨申商諮謀趙高自幽深宮委政

讒賊

史記李斯上書二世曰能明申韓之術而修商君
之法法修術明而天下亂者未之聞也應劭漢書

注曰申不害韓昭侯相衛公孫鞅秦孝公相李奇曰法
皆深刻無恩史記曰二世常居禁中與趙高決事事無

大小輒決於高
趙高曰委任之也

身殘望夷求為黔首豈可得哉

史記曰二

世齋望夷宮欲祠涇使使責讓趙高以盜事高懼乃陰
與其女壻咸陽令閻樂謀易上樂前即謂二世曰足下
其自為計二世曰願得妻子為黔首
首閻樂麾其兵進二世自殺也

遂乃郡國離心衆庶

潰叛

尚書曰受有億兆人離心離德左氏傳曰人逃其上曰潰

勝廣唱之於前劉

項斃之於後

史記曰吳廣為假王擊秦班固漢書贊曰秦竊自號為皇帝而子弟為匹夫吳陳奮

其白徒劉項隨而斃之

向使始皇納淳于之策抑李斯之論割裂

州國分王子弟封三代之後報功臣之勞士有常君民

有定主枝葉相扶首尾為用雖使子孫有失道之行時

人無湯武之賢姦謀未發而身已屠戮何區區之陳項

而復得措其手足哉故漢祖奮三尺之劍驅烏集之衆

曾子曰烏合之衆初雖相歆後必相吐也

五年之中而成帝業

漢書曰高祖五年斬羽東

城即皇帝位於汜水之陽

自開闢以來其興功立勲未有若漢祖之

易者也夫拔深根者難為功摧枯朽者易為力理勢然

也

班固漢書贊曰漢無尺土之階錄一劍之任五年而成帝業書傳所未嘗有焉何則古代相草皆承聖王

之烈今漢獨收孤秦之斃鎬金石者難為功摧枯朽者易為力其勢然也

漢鑒秦之失封植

子弟及諸呂擅權圖危劉氏

漢書曰太后崩上將軍呂祿相國呂產專兵秉政謀

作亂賈逵國語注曰權秉即柄字也

而天下所以不能傾動百姓所以不

易心者徒以諸侯彊大盤石膠固

漢書宋昌曰高帝王子弟所謂盤石之宗

也莊子曰待膠漆而固者是侵其德者也范曄後漢書鄭泰曰以膠固之衆當解合之勢

東牟朱虛

授命於內齊代吳楚作衛於外故也

漢書宋昌曰諸呂擅權專制太尉卒

以滅之內有朱虛東年之親外畏吳楚齊代之強又曰齊悼惠王肥高祖六年立又曰齊悼惠王子章高后封為朱虛侯章弟興居為東牟侯

向使高祖踵亡秦之法

王逸楚辭注曰踵繼也

忽

先王之制則天下已傳非劉氏有也然高祖封建地過

古制大者跨州兼域小者連城數十上下無別權倖京

室故有吳楚七國之患

班固漢書贊曰漢興懲戒亡秦孤立之敗於是封王子弟大者

跨州兼郡小者連城數十宮室百官制同京師

賈誼曰諸侯強盛長亂起姦夫

欲天下之治安莫若衆建諸侯而少其力令海內之勢

若身之使臂臂之使指則下無背叛之心上無誅伐之

事文帝不從

漢書賈誼上疏之文

至於孝景猥用晁錯之計削黜

諸侯親者怨恨疏者震怒吳楚唱謀五國從風兆發高

祖釁成文景由寬之過制急之不漸故也

漢書曰晁錯數言吳過可

削文帝寬不忍罰及景帝即位錯曰高帝初定天下諸子弱故大封同姓今吳謀作亂逆削之亦反不削亦反於是方議削吳吳王恐因欲發謀舉事諸侯既新削罰震恐多恐錯及吳先起兵膠西膠東淄川濟南楚趙亦皆反根

所謂末大必折尾大難掉

左氏傳楚子問於申無宇曰國有大城何

如對曰末大必折尾大不掉君所知也杜預曰折折其本也

尾同於體猶或不從況

乎非體之尾其可掉哉武帝從主父之策下推恩之令

自是之後齊分為七趙分為六淮南三割梁代五分漢

主父偃說上曰今諸侯或連城數十願陛下令諸侯得推恩分子弟以地侯之彼人人喜得所願上以德施實分其國必稍自銷弱矣上從其計又班固贊曰武帝施主父之策下推恩之令使諸侯得分戶邑以封子弟不行黜陟而國自折自是齊分為七趙分為六梁分為五淮南分為三也遂以陵遲子孫微

弱衣食租稅不豫政事

班固漢書贊曰景帝遭七國之難抑損諸侯諸侯唯得衣食租

稅不與政事

或以酎金免削或以無後國除

漢書曰列侯坐獻黃金酎祭宗

廟不如法奪爵者百六人漢儀注王子為侯侯歲以戶口酎黃金於漢廟皇帝臨受獻金助祭大祀曰飲酎飲

酎受金小不如斤兩色惡者王削縣侯
免國漢書曰趙哀王福薨無子國除

至於成帝王氏

擅朝劉向諫曰臣聞公族者國之枝葉枝葉落則本根

無所庇蔭方今同姓疏遠母黨專政排擯宗室孤弱公

族非所以保守社稷安固國嗣也

漢書劉向上疏之文

其言深切

多所稱引成帝雖悲傷歎息而不能用

漢書成帝即位向數上疏言得

失陳法戒書數十上以助觀覽補遺闕
上雖不能盡用然嘉其言常嗟歎之

至乎哀平異姓

秉權假周公之事而為田常之亂高拱而竊天位一朝

而臣四海漢宗室王侯解印釋綬貢奉社稷猶懼不得

為臣妾或乃為之符命頌莽恩德豈不哀哉

班固漢書贊曰至哀

平之際王莽知中外殫徵因母后之權假伊周之稱詐謀既成遂據南面之尊漢諸侯王厥角稽首奉上璽數唯恐在後或乃稱美頌德以求容媚豈不哀哉田常篡齊已見上文漢書曰王莽廢漢藩王廣陵王嘉獻符命封扶策侯又曰鄧鄒侯閔以莽篡位獻神書言莽符封列侯鄧音吾由是言之非宗子獨

忠孝於惠文之間而叛逆於哀平之際也徒以權輕執

弱不能有定爾賴光武皇帝挺不世之姿

杜篤論都賦曰于時聖帝

兼不世之姿

禽王莽於已成紹漢嗣於既絕斯豈非宗子之

力邪而曾不鑒秦之失策襲周之舊制踵亡國之法而

僥倖無疆之期至於桓靈奄豎執衡

范曄後漢書曰桓帝立曹騰以定策

功遷大長秋又曰靈帝時大將軍竇武謀誅中官曹節矯詔誅武等鄭玄尚書注曰稱上曰衡

朝無死

難之臣外無同憂之國君孤立於上臣弄權於下

班固漢書

序曰漢興懲戒亡秦孤立之敗

本末不能相御身手不能相使由是天

下鼎沸姦凶並爭

張超賡曰中外雲擾萬夫鼎沸

宗廟焚為灰燼宮室

變為蓐藪

杜預左氏傳注曰燼火餘木也

居九州之地而身無所安處

悲夫魏太祖武皇帝躬聖明之資兼神武之略

晉灼漢書注曰

資材量也恥王綱之廢絕愍漢室之傾覆龍飛譙沛鳳翔究

豫

魏志曰太祖武皇帝沛國譙人為兗州牧後太祖遷都於許許屬豫州東京賦曰龍飛白水鳳翔參墟

埽除凶逆翦滅鯨鯢

左氏傳曰楚子曰古者明王伐不敬因取其鯨鯢而封以為大戮杜

預曰鯨鯢大魚以喻不義之人也

迎帝西京定都潁邑

魏志曰天子東遷敗於曹陽太

祖乃遣曹洪將兵西迎天子還雒陽昭勸太祖都許漢書潁川郡有許縣

德動天地義感人

神漢氏奉天禪位大魏大魏之興于今二十有四年矣

觀五代之存亡而不用其長策觀前車之傾覆而不改

其轍迹

晏子曰諺曰前車覆後車戒也

子弟王空虛之地君有不使之

民宗室竄於閭閻不聞邦國之政權均匹夫執齊凡庶

內無深根不拔之固外無盤石宗盟之助非所以安社稷為萬代之業也

左氏傳曰周之宗盟異姓為後

且今之州牧郡守古

之方伯諸侯皆跨有千里之土兼軍武之任或比國數

人或兄弟並據而宗室子弟曾無一人間廁其間與相

維持非所以強榦弱枝備萬一之慮也

班固漢書贊曰從吏二千石於

諸陵蓋亦強榦弱枝也

今之用賢或超為名都之主或為偏師之

帥而宗室有文者必限以小縣之宰有武者必置於百

人之上使夫廉高之士畢志於衡軛之內

衡軛車之衡軛也言王者

之御羣臣猶人之御羣馬故以衡乾喻馬畢志其內未得聘其駿足也

才能之人恥與非

類為伍非所以勸進賢能褒異宗族之禮也夫泉竭則

流涸根朽則葉枯枝繁者蔭根條落者本孤故語曰百

足之蟲至死不僵扶之者衆也

魯連子曰百足之蟲至斷不蹶者持之者衆也

此言雖小可以譬大

司馬相如諫獵書曰此言雖小可以喻大

且墉基不可

倉卒而成威名不可一朝而立

文子曰人主之有人猶城之有基木之有根根

深則本固基厚則上安也

皆為之有漸建之有素譬之種樹久則深

固其根本茂盛其枝葉若造次徙於山林之中植於宮

闕之下雖壅之以黑墳暖之以春日

尚書曰厥土黑墳孔安國曰色黑而

墳起

猶不救於枯槁何暇繁育哉夫樹猶親戚土猶士民

建置不久則輕下慢上平居猶懼其離叛危急將如之何是以聖王安而不逸以慮危也存而設備以懼亡也故疾風卒至而無摧拔之憂天下有變而無傾危之患矣

博奕論

系本曰烏曹作博許慎說文曰博局戲也六者十二碁也揚雄方言曰圍碁自闕而

東齊魯之

間謂之奕

韋弘嗣

吳志曰韋曜字弘嗣吳郡人為太子中庶子時蔡邕亦在東宮性好博奕太子

和以為無益命曜論之後為中書僕射孫皓誅之裴松之曰曜本名昭史為晉諱改之也

蓋聞君子恥當年而功不立疾沒世而名不稱

論語子曰君子

疾沒世而名不稱焉

故曰學如不及猶恐失之

論語孔子之辭

是以古之

志士悼年齒之流邁而懼名稱之不建也勉精勵操晨興夜寐不遑寧息經之以歲月累之以日力若甯越之

勤董生之篤漸漬德義之淵棲遲道藝之域

呂氏春秋曰甯越中

牟之鄙人也苦耕稼之勞謂其友曰何為而可以免此苦耕也其友曰莫如學學三十歲則可達矣甯越曰請

以十五歲人將休吾將不休人將臥吾將不敢卧十五歲而周威王師之漢書曰董仲舒修春秋三年不窺園其精如此且以西伯之聖姬公之才猶有日昃待旦之勞

尚書周公曰文王自朝至于日中昃不遑暇食用咸和萬民孟子曰周公思兼三王其有不合者仰而思之夜以繼日幸而得之生以待旦故能興隆周道垂名億載況在臣庶而

可以已乎歷觀古今功名之士皆有積累殊異之迹勞神苦體契濶勤思平居不墮其業窮困不易其素是以卜式立志於耕牧而黃霸受道於圉圉終有榮顯之福以成不朽之名

漢書曰卜式河南人以田畜為事入山牧羊十餘年羊致千餘頭又曰黃霸字

次公淮陽人遷丞相長史宣帝欲東先帝夏侯勝曰武帝不宜為立廟樂勝坐非議詔書霸坐同縱勝不舉劾皆下獄勝霸既久繫霸欲從勝交經勝辭以罪死霸曰朝聞道夕死可矣勝賢其言遂授之繫更再冬讞論不

怠故山甫勤於夙夜而吳漢不離公門豈有遊愴哉

詩毛

曰肅肅王命仲山甫將之夙夜匪懈以事一人東觀漢記曰吳漢字子顏南陽人鄧禹及諸將多薦舉者再三召見其後勤勤不離公門上亦以其南陽人漸親之今世之人多不務經術好翫

博奕廢事棄業忘寢與食窮日盡明繼以脂燭當其臨局交爭雌雄未決專精銳意神迷體倦人事曠而不修賓旅闕而不接雖有太牢之饌韶夏之樂不暇存也至

或賭及衣物徒碁易行

碑各賭也賭丁古切賭記被切

廉恥之意弛

而忽戾之色發然其所志不出一枰之上所務不過方

罫

古買之間

方言曰投博謂之枰皮兵切桓譚新論曰俗有國碁或言是兵法之類也及為之上者張

置疏遠多得道而為勝中者務相絕遮要以爭便利下者守邊趨作罫目生於小地猶薛公之言黥布反也上計取吳楚廣道者也中計塞城絕遮要爭利者也下計據長沙以臨越此守邊隅趨作罫者也史始帝將相不能防衛而今罫中死碁皆生

勝敵無封爵之賞獲地無兼土之實伎

非六藝用非經國立身者不階其術徵選者不由其道

廣雅曰階因也

求之於戰陣則非孫吳之倫也

劉向國碁賦曰略觀國碁法於

用兵法者無功貪者先亡漢書曰孫
子兵法八十二篇吳起三十八篇

考之於道藝則非

孔氏之門也以變詐為務則非忠信之事也以劫殺為

名則非仁者之意也

尹文子曰以智力求者喻如奕棋
進退取與攻劫殺舍在我者也

而空妨日廢業終無補益是何異設木而擊之置石而
投之哉且君子之居室也勤身以致養其在朝也竭命

以納忠臨事且猶盱食而何暇博奕之足耽

左氏傳伍
奢曰楚君

大夫其盱食乎班固漢書
述曰媚茲一人日盱忘食

夫然故孝友之行立貞純之

名章也方今大吳受命海內未平聖朝乾乾務在得人

周易曰君子終日乾乾班固公孫弘贊曰漢之得人於茲為盛

勇略之士則受熊虎之

任儒雅之徒則處龍鳳之署

熊虎猛捷故以譬武龍鳳五彩故以喻文尚書曰如

虎如貌如熊如羆于商郊蘇武答李陵書曰其于學人皆如鳳如龍

百行兼苞文武並驚

孝經鉤命決曰引博選良才旌簡髦俊

賈逵國語注曰旌表也

設

程試之科垂金爵之賞

說文曰程品也廣雅曰科條也

誠千載之嘉會

百世之良遇也

桓子新論曰夫聖人乃千載一出周易曰亨者嘉之會也

當世之士

宜勉思至道愛功惜力以佐明時

廣雅曰惜愛也

使名書史籍

勲在盟府

左氏傳宮之奇曰號叔為文王卿士勲在王室歲於盟府

乃君子之上務

當今之先急也夫一木之枰孰與方國之封枯碁三百

孰與萬人之將

邯鄲淳藝經曰碁局從橫各十七道合二百八十九道白黑棋子各一百五十

枚

袞龍之服金石之樂足以兼棋局而貿博奕矣

周禮曰三

公自袞冕而下卿玄曰袞龍九章衣也東都賦曰修袞龍之法服左氏傳曰晉侯以樂之半賜魏絳始有金石之樂廣雅曰貿易之也假令世士移博奕之力用之於詩書是有

顏閔之志也用之於智計是有良平之思也用之於資

貨是有猗頓之富也

猗頓已見賈誼過秦論

用之於射御是有將

帥之備也如此則功名立而鄙賤遠矣

文選卷五十二

欽定四庫全書

文選卷五十三

梁蕭統編

唐李善註

論中

養生論

嵇喜為康傳曰康性好服食常采御工藥以為神仙藥之自然非積學所致至於導養得理以盡性命若安期彭祖之倫可以善求而得也著養生篇

嵇叔夜

世或有謂神仙可以學得不死可以力致者

王逸楚辭註曰

謂說也鄭玄禮記注
日敘之猶言至也

或云上壽百二十古今所同過

此以往莫非天妄者

養生經黃帝問天老曰人生上壽
一百二十年中壽百年下壽八十

年而竟不然
者皆天耳

此皆兩失其情請試粗論之

鄭玄禮記注
曰粗麤也說

大曰粗疏
也粗古切

夫神仙雖不目見然記籍所載前史所傳較

角而論之其有必矣

廣雅曰
較明也

似特受異氣稟之自然非

積學所能致也

孔安國尚書傳曰稟受也夫自然者
不知其然而然老子曰道法自然

至

於導養得理以盡性命上獲千餘歲下可數百年可有

之耳

天老養生經老子曰人生大期以百
二十年為限節度護之可至千歲

而世皆不

精故莫能得之何以言之夫服藥求汗或有弗獲而

愧情一集渙然流離

漢書曰上問左丞相周勃曰天

下天下錢穀一歲出入幾何勃又謝不知汗出浹背天愧不能對顏師古曰浹沾也周易曰渙汗其大號終

朝未餐則囂然思食而曾子銜哀七日不飢

毛詩曰終朝未

錄終朝謂從旦至食時囂然飢意也禮記曾子謂子思曰飯吾孰親之喪也水漿不入於口者七日夜

分而坐則低迷思寢內懷殷憂則達旦不瞑

古眠字

銜靈公至濮水之上夜分而聞有鼓新聲者韓詩曰耿耿不寐如有殷憂漢書劉向曰夜觀星宿或不寐

旦勁刷理鬢醇醴發顏僅乃得之

通俗文曰所以理髮謂之刷也何休

公羊傳注曰僅方也

壯士之怒赫然殊觀植髮衝冠

淮南子曰荆軻為燕

大子丹刺秦王高漸離宋如意為擊筑而歌於易水之上荆軻瞋目裂眦髮植衝冠

由此言之

精神之於形骸猶國之有君也神躁於中而形喪於外猶君昏於上國亂於下也夫為稼於湯之世偏有一溉之功者雖終歸於焦爛必一溉者後枯然則一

溉之益固不可誣也

種曰稼言種穀於湯之世值七年之旱終歸是死而彼一溉之

苗則在後枯亦猶人處於俗同皆有死能攝生者則後終也孫卿子曰禹十年水湯七年旱說文曰溉灌

之也而世常謂一怒不足以侵性一哀不足以傷身輕

而肆之

淮南子曰大怒破陰大喜墜陽養生要彭祖曰憂志悲哀傷人喜樂過差傷人賈逵國語注曰

肆恣也

是猶不識一溉之益而望嘉穀於旱苗者也

國語子餘

謂秦伯曰使能成嘉穀君之力也

是以君子知形恃神以立神須形以

存悟生理之易失知一過之害生

淮南子曰形者生之舍也氣者生之元也

神者生之制也一失位則二者傷矣

故修性以保神安心以全身愛憎不

棲於情憂喜不留於意泊然無感而體氣和平

老子曰我獨泊

然而未兆說文曰泊無為也禮記曰樂行血氣和平

又呼吸吐納服食養身使形

神相親表裏俱濟也

莊子曰吹噓呼吸吐故納新為夫壽而已矣古詩曰服食求神仙

田種者一畝十斛謂之良田此天下之通稱也不知區

種可百餘斛

汜勝之田農書曰上農區田大區方深各六寸相去七寸一畝三千七百區丁男女

治十畝至秋收區三升粟畝得百斛也區音郭侯切一曰謂區隴而種非漫田也

田種本一也

至於樹養不同則功收相懸謂商無十倍之價農無百

斛之望此守常而不變者也且豆令人重榆令人瞑

經方

小品倉公對黃帝曰大豆多食令人身重博物志云合食豆三年則身重行止難又曰啖榆則瞑不欲覺也

歡蠲忿萱草忘憂愚智所共知也

神農本草曰合歡蠲忿萱草忘憂崔豹古

今注曰合歡樹似梧桐枝葉繁互相交結每一風來輒自離了不相牽綴樹之堦庭使人不忿也毛詩曰焉得

萱草言樹之背毛萇詩傳曰萱草令人忘憂名醫別錄曰萱草今之鹿葱也 薰辛害目豚魚

不養常世所識也

養生要曰大蒜勿食葷辛害目又神農曰猪肉虛人不可久食又曰猪肉

損人與豬同說文曰蒜葷菜也薰與葷同豚魚無血食之皆不利人也

凡蟲乙處頭而黑麝

食柏而香

抱朴子曰今頭強著月皆稍變而白月強處頭皆漸化而黑則是玄素果無定質移易存

乎所漸本草名醫云麝香形似麝常食柏葉五月得香又夏月食蛇多至寒香滿入春患急痛以脚剔去著矢溺中覆之皆有常處 頸處險而癭 齒居晉而黃 淮南子曰

險阻之氣多癭謂人居於山險樹木瘤臨其水上飲此水則患癭齒黃未詳 推此而言凡所

食之氣蒸性染身莫不相應豈唯蒸之使重而無使輕

害之使闇而無使明薰之使黃而無使堅芬之使香而

無使延哉

方言曰延年長也

故神農曰上藥養命中藥養性者

本草曰上藥一百二十種為君主養命以應天無毒久服不傷人輕身益氣不老延年中藥一百二十種為臣主養性以應人養生經曰上藥養命五石練形六芝延年中藥養性合歡闕念壹草忘憂也 誠知性

命之理因輔養以通也而世人不察惟五穀是見聲色

是耽目惑玄黃耳務淫哇

法言曰哇則鄭李軌曰哇邪也周禮鄭玄注曰五穀麻黍

稷麥豆也 滋味煎其府藏醴醪鬻其腸胃

莊子曰聲色滋味之於人心不待學

而樂之漢書曰五藏六腑周禮曰凡齊事鬻鹽以待戒令鄭玄曰鬻鹽謂練化之鬻今之煮字也

香芳

腐其骨髓喜怒悖其正氣

廣雅曰悖亂也文子曰修理而動者正氣

思慮銷

其精神哀樂殃其平粹

文子曰人之性欲平又曰真人純粹應助漢書注曰粹淳也

夫以叢爾之軀攻之者非一塗

左氏傳子產曰叢爾小國杜預注曰叢爾小貌

也易竭之身而内外受敵身非木石其能久乎其自用

甚者飲食不節以生百病好色不勸以致之絕

素問黃帝曰有

病心腹滿此何病岐伯曰凡飲食不節故時病七發曰百病咸生漢書杜欽上疏曰佩玉晏鳴閭雖歎之知好

色之伐性短年也

風寒所災百毒所傷中道夭於衆難

莊子曰終天年

不中道夭者

世皆知笑悼謂之不善持生也

方言曰悼哀也笑悼

謂笑其不善養生而久矣其促齡也

至于措身失理止之於微積微成損

積損成衰從衰得白從白得老從老得終悶若無端

莊子

曰藏乎無端之紀

中智以下謂之自然

穀梁傳荀息曰中智以上乃能慮之臣料虞君

中智以下也

縱少覺悟咸歎恨於所遇之初而不知慎衆險

於未兆

老子曰未兆易謀

是由桓侯抱將死之疾而怒扁鵲之

先見以覺痛之日為受病之始也

韓子曰扁鵲謂桓侯曰君有疾在腠理猶

可湯熨桓侯不信後疾迎扁鵲鵲逃之桓侯遂死史記曰扁鵲療簡子東過齊見桓侯東晉曰齊桓在簡子前

且二百歲小白後無齊桓侯田和子有桓公午去簡子首末相距二百八年史記自為并錯韋昭曰魏無桓侯

臣贊曰魏桓侯新序曰扁鵲見晉桓侯然此桓侯竟不知何國也害成於微而救之於

著故有無功之治馳騁常人之域故有一切之壽仰觀

俯察莫不皆然以多自證以同自慰謂天地之理盡此

而已矣縱聞養生之事則斷以所見謂之不然其次狐

疑雖少庶幾莫知所由其次自力服藥半年一年勞而

未驗志以厭衰中路復廢或益之以畎古澮外而泄之

以尾閭

尚書曰濬畎澮距川孔安國曰一畎之間廣尺濬尺曰畎廣二尋深二仞曰澮畎澮深之亦入

海也莊子海若曰天下之水莫大于海萬川歸之不知何時止而不盈尾閭泄之不知何時已而不虛司馬彪

曰尾閭水之從海出水出者也一名沃焦在東大海之中
尾者在百川之下故稱尾閭者聚也水聚族之處故稱
閭也在扶桑之東有一石方圓四萬里厚
四萬里海水注者無不焦盡故名沃焦 欲坐望顯報

者或抑情忍欲割棄榮願而嗜好常在耳目之前所希

在數十年之後

說文云希望也穀梁傳荀息曰夫人又
玩好在耳目之前而患在一國之後

恐兩失內懷猶豫

楚辭曰心猶豫而狐疑尸子曰五尺
大天為豫說文曰隴西謂犬子為猶

顏師古以為人將犬行豫在人前待人不得又來迎俟
如此往還至于終日斯乃豫之所以為未定也故稱猶
豫或以爾雅云猶如鹿善登木猶獸名聞
人聲乃猶豫緣木如此上下故稱猶豫 心戰於內物

誘其外交賒相傾如此復敗者夫至物微妙可以理知

難以目識譬猶豫章生七年然後可覺耳

淮南子曰豫章之生七年

可知延叔堅曰豫章與枕木相
似須七年乃可剝耳枕音尤

今以躁競之心涉希靜

之塗

老子道經曰聽之不聞名曰希王逸楚辭注曰無聲曰靜

意速而事遲望近而

應遠故莫能相終夫悠悠者既以未效不求

論語桀溺曰滔滔者

天下皆是也

而求者以不專喪業偏恃者以不兼無功追術

者以小道自溺凡若此類故欲之者萬無一能成也善

養生者則不然矣清虛靜泰少私寡欲

莊子曰廣成子謂黃帝曰必靜

必清無勞汝形無搖汝精乃可以長生老子曰少私寡欲

知名位之傷德故忽而不

營非欲而彊禁也

左氏傳曰名位不同禮亦異數

識厚味之害性故弃

而弗顧非貪而後抑也

國語單襄公曰厚味實腊毒也

外物以累心不

存神氣以醇白獨著

慎子曰夫德清微而不見聰明而不發是故外物不累其內莊子曰

外物不可必司馬彪曰物事也忠孝內也而外事咸不信受也淮南子曰古之人神氣不蕩乎外莊子曰虛室

生白向房曰虛其心則純白獨著

曠然無憂患寂然無思慮

莊子曰聖人平易恬

淡則憂患不能入也邪氣不能襲也故其德全而神不虧矣故曰聖人思慮不預謀也

又守之以

一養之以和和理日濟同乎大順

老子曰聖人抱一為天下式河工公曰抱

守也守一乃知萬事故能為天下法式王弼曰一少之極也式猶則也文子曰古之為道者養以和持以適莊

子曰古之治道者以恬養知知生而無以知為也謂之

以知養恬知與恬交相養而和理出其性老子曰玄德深

矣遠矣與物反矣乃至大順河上公曰大順者天理也鍾會曰反俗以入道然乃至於大順也然後蒸

以靈芝潤以醴泉白虎通曰醴泉者美泉也狀如醴酒也晞以朝陽綏以

五弦毛萇詩傳曰肅乾也無為自得體妙心玄莊子曰天無為以之清地無為以之

寧政兩無為相合萬物皆化之也孰能忘歡而後樂足

遺生而後身存莊子曰天下有至樂無有哉曰至樂無樂郭象曰忘歡而後樂足樂足而後身

存莊子曰棄事則形不勞遺生則精不虧夫形全精復與天為一者也若此以往恕可與

美門比壽王喬爭年何為其無有哉聲類曰恕人心度物也史記曰始皇

之碣石使燕人盧生求羨門韋昭曰羨門古仙人也列仙傳曰王子喬者周靈王太子晉也道人浮丘公接以

上嵩
高山

運命論一首

運謂五德更運帝王所采以生也春秋元命苞曰五德之運各象其類與

亡之名應籙以次相代宋均曰運籙運也春秋元命苞曰命者天下之命也

李蕭遠

集林曰李康字蕭遠中山人也性介立不能和俗著遊山九吟魏明帝異其文

逆起家為尋陽長
政有美績病卒

夫治亂運也窮達命也貴賤時也

墨子曰貧富治亂固有天命不可損益王

命論曰窮達有命吉凶由人莊子北海若曰貴賤有時未可以為常也

故運之所隆必生

聖明之君

春秋河圖撥命篇曰蒼龍黃三陽翼天德聖明

聖明之君必有忠

賢之臣其所以相遇也不求而自合其所以相親也不

介而自親

介紹介也禮記曰介紹而傳命

唱之而必和謀之而必從道

德立同曲折合符

老子曰知者不言言者不知是為玄同論語比考識曰君子上達與天合

符得失不能疑其志讒構不能離其交然後得成功也

其所以得然者豈徒人事哉授之者天也告之者神也

成之者運也夫黃河清而聖人生里社鳴而聖人出

易乾

鑿度曰聖人受命瑞應先見於河河水先清清變白白變赤赤變黑黑變黃各三日春秋潛潭巴曰里社明此

里有聖人出其响百姓歸天辟亡宋均曰里社之君鳴則教令行教令明惟聖人能之也响鳴之怒者聖人怒

則天辟亡矣湯起於桀時羣龍見而聖人用易曰見羣龍无首吉

又曰聖人作故伊尹有莘氏之媵臣也而阿衡於商說苑

詩曰實維阿衡左右商王毛萇傳曰阿衡伊尹也太公

渭濱之賤老也而尚父於周史記曰太公望以漁釣于

史編為卜田于渭之陽將大得焉非熊非羆非虎非狼兆得公侯天遣汝師王乃奮戒三日田于渭之陽卒見呂尚坐茅

以漁毛詩大雅曰維師尚父時百里奚在虞而虞亡在秦

而秦霸非不才於虞而才於秦也呂氏春秋曰凡龍也者必始乎近而後及

遠始乎本而後及末亦然故百里奚處乎虞而虞亡處
乎秦而秦霸百里奚之處乎虞知非遇也其處于秦非
加益也有其本也其
本也者定分之謂也張良受黃石之符誦三略之說
黃石

公記序曰黃石者神人也有上略中略下略
河圖曰黃石公謂張良曰讀此為劉帝師以遊於羣

雄其言也如以水投石莫之受也及其遭漢祖也其言

也如以石投水莫之逆也

漢書曰張良以兵法說沛公沛公喜常用其策為它人言

皆不非張良之拙說於陳項而巧言於沛公也

漢書張良乃說

項梁立韓成為韓王而漢書張良然則張良之言一也
無說陳涉今此言之未詳其本也

不識其所以合離合離之由神明之道也故彼四賢者

名載於錄圖事應乎天人其可格之賢愚哉

春秋考異
邦曰稽之

錄圖參於泰古易坤需圖曰湯臣伊尹振馬陵春秋命
歷序曰文王受丹書呂望佐昌發春秋保乾圖曰漢之
一師為飛良主韓之敗漢以興春秋感指記曰西秦東
關謀襲鄭伯晉戎同心遮之戲谷反呼老人百里子歿
語之不知泣血何益蒼
頤篇曰格量度之也孔子曰清明在躬氣志如神嗜

欲將至有開必先天降時雨山川出雲

禮記文也鄭玄
曰清明在躬氣

志如神聖人也嗜欲將至謂其王天下之期將至也神
有以開之必先為之生賢智之輔佐若天降時雨山川
為之出詩云惟嶽降神生甫及申惟申及甫惟周之翰

雲也

運命之謂也

詩大雅文也箋云申申伯甫甫侯也毛萇
傳曰翰幹也言周道將興五嶽為之生佐

仲山甫及申伯豈惟興主亂亡者亦如之焉
呂氏春秋曰世有興

主之幽王之惑褒女也妖始於夏庭
史記曰昔夏后氏之哀也有二神龍

正於夏帝之庭而言曰余褒之二君也夏帝卜殺之與
去之與止之莫吉卜請其釐而藏之乃吉于是布幣而

策告之龍亡而釐在夏氏乃積而去之比三代莫之敢
發至厲王之末後而觀之釐流于庭不可除厲王使婦

人嫫而譟之釐化為玄龜以入王後宮後宮童妾既亂遭
之既筭而孕無夫而生一女子懼而棄之宣王之時童謠

檠狐箕服實亡周國於是宣王聞之有夫婦賣是器者
宣王使執而戮之於道而鄉者後宮妾所棄妖子出於

路者聞其夜啼哀而收之夫婦遂奔于褒褒人有罪請
入棄子以贖罪棄子出於褒是為褒姒幽王廢申后立

褒姒為后后父申侯怒攻幽王
曹伯陽之獲公孫彊也

徵發於社宮

左氏傳曰初曹人或夢衆君子立於社宮而謀亡曹曹叔振鐸請待公孫彊許之旦

而求之曹無之戒其子曰我死爾聞公孫彊為政必去之及曹伯陽即位好畋弋曹鄙人公孫彊好弋且言畋弋之說悅之因訪政事說於曹伯從之乃背晉而好宋宋人伐之執曹伯陽以歸殺之叔孫豹之

臆豎牛也禍成於庚宗

左氏傳曰初穆子去叔孫氏及庚宗遇婦人使私為食而宿焉

魯人召之所宿庚宗之婦人獻以雉問其姓對余子長矣召而見之遂使為豎有寵長使為政田於薊丘遂遇疾焉豎牛曰夫子疾病不欲見人使寘饋于介而退弗進則置虛器命撤叔孫不食卒吉凶成敗

各以數至

春秋考異郵曰吉凶有效存亡出衆王命論曰驗行事之成敗數歷數也孔安國尚書傳

曰歷數謂天道也

咸皆不求而自合不介而自親矣昔者聖人

受命河洛曰以文命者七九而衰以武興者六八而謀

河洛謂河圖洛書也文謂文德即文王也武謂武功即武王也言以文德受命者或七世九世而漸衰微以武

功而起者或六世八世而謀也及成王定鼎於郊廓卜世三十卜年七

百天所命也

左氏傳王孫滿之辭也其世之多少年之短長皆天所命也七九六八即卜世數也

杜預注曰郊廓今河南也武王遷之成王定之故自幽厲之間周道大壞言自成王

至于厲王凡有八世即應七而衰也二霸之後禮樂陵

遲二霸齊桓晉文也自厲王至于二霸之卒凡有九世即應九而衰也毛詩序曰禮義陵遲男女淫奔也

文薄之弊漸於靈景

自二霸之卒至于景王凡有六世即應六而謀也尚書大傳曰周人

之教以文上教以文君子其失也小人薄鄭玄曰文謂
尊卑之差制也習文法無憫誠也靈景周之末王也

辯詐之偽成於七國

韓言文薄既弊詐偽乃成也七國謂
韓魏齊趙燕楚秦也自景王至于

七國凡有八世酷烈之極積於亡秦

言詐偽既成故加
之以酷烈也解嘲

曰呂刑靡弊
秦法酷烈也

文章之貴棄於漢祖

言周人之教以文故
漢承之以質也漢書

曰陸賈為太中大夫賈時上前說稱詩書高帝罵之曰
遇公以馬上得之安事詩書也仲長子昌言曰漢祖輕

文學而雖仲尼至聖顏冉大賢

家語冉有曰孔子者大
聖兼該文武並通又曰

顏回字子淵以德行著名孔子稱其賢
又曰冉求字子有以政事著名性多謙退揖讓於規矩

之內閭閻於洙泗之上不能遏其端

論語曰孔子朝與
工大夫言閭閻如

也孔安國曰閒閒中正之貌禮記曾子謂子夏曰吾與汝事夫子於洙泗之間鄭玄曰洙泗魯水名也史記曰甚哉魯之衰也洙泗之間閒閒如也

桓子新論曰過絕其端其命在天

孟軻孫卿體二希

聖從容正道不能維其末

周易子曰君子知幾其神乎顏氏之子其殆庶幾乎有不

善未嘗不知知之未嘗復行韓康伯曰在理則昧造形而悟顏氏子之分也失之於幾故有不善得之於二不遠而復故知之未嘗復行也法言曰晞驥之馬亦驥之乘晞顏之人亦顏之徒也顏嘗晞夫子矣李軌曰希望也言顏曰嘗望孔子也禮舍文嘉曰從容中道陰陽度行也天下卒至於溺而不可援言

人之失在薄故孔孟所不能援夫以仲尼之才也而器也孟子曰天下溺則援之以道

不周於魯衛以仲尼之辯也而言不行於定哀

史記曰魯定公

以孔子為司寇季桓子受齊女樂不能政孔子遂行適
衛衛靈公置粟六萬居頃之或譖孔子於甯公孔子恐獲
罪去也以仲尼之譙也而見忌於子西史記曰楚昭王與
師迎孔子將以書
社地七百里封孔子楚令尹子西曰王之使使諸侯有
如子貢者乎曰無有王之將帥有如子路者乎曰無有
王之官尹有如宰予者乎曰無有且楚之祖封於周為
子男五十里今孔丘述三五之法明周召之業王若用
之則楚國安得世世土方數千里乎文王在豐武王在
鎬卒王天下今孔丘得據土壤賢弟子為佐非楚之福
也昭王乃止以仲尼之仁也而取讎於桓魋史記曰孔子適
宋與弟子習禮
大樹下宋司馬桓魋欲殺孔子拔其樹孔子弟子曰
可以速行矣孔子曰天生德於予桓魋其如予何以
仲尼之智也而屈厄於陳蔡家語曰楚昭王聘孔子孔
子往拜禮焉路出乎陳蔡

陳蔡大夫相與謀曰孔子賢聖其刺譏皆中諸侯之病若用於楚則陳蔡危矣遂使徒兵距孔子孔子不得行

絕糧七日外無所以仲尼之行也而招毀於叔孫論語曰叔孫武

叔毀仲尼子貢曰無以為也仲尼不可毀也他人之賢者丘陵也猶可踰也仲尼日月也無得而踰焉人雖欲

自絕其何傷於日月夫道足以濟天下而不得貴於人乎多見其不知量也

周易曰智周萬言足以經萬世而不見信於時文子曰養生以

物而道濟天下經世莊子曰未嘗聞任氏之風俗其不可與經於世亦遠矣行足以應神明而不能

彌綸於俗孝經曰孝悌之至通於神明應聘七十國而

不一獲其主說苑趙襄子謂子路曰吾嘗問孔子曰先生事七十君無明君乎孔子不對何謂賢

也驅驟於蠻夏之域屈辱於公卿之門

蠻謂蔡楚也毛詩曰蠢爾蠻荆

夏謂宋衛也公謂魯侯也卿謂季氏也列子楊朱曰孔子屈於季氏見辱於陽虎也

其不遇也如

此及其孫子思希聖備體而未之至

史記曰伯魚生伋字子思孟子曰子

夏子游子張皆有聖人之一體冉伯牛閔子顏回則具體而微劉熙曰體者四支股脚也具體者皆微者也皆

具聖人之體微小耳體以喻德也

封已養高勢動人主

國語叔向曰引靈以封已韋昭

曰封厚也魏志高柔上疏曰三事不使知政逆名偃息養高

其所遊歷諸侯莫不結

駟而造門猶有不得賓者焉其徒子夏升堂而未入於

室者也退老於家魏文侯師之西河之人肅然歸德比

之於夫子而莫敢問其言

論語曰由也升堂矣未入於室也家語曰卜子夏孔子

卒後教於西河之上魏文侯師事之而咨問國政焉禮記曹子謂子夏曰吾與汝事夫子於洙泗之間退而老於西河之上使西河之人疑汝於夫子故曰治亂運也

窮達命也貴賤時也而後世君子區區於一主歎息於

一朝屈原以之沈湘賈誼以之發憤不亦過乎

楚辭曰臨沅湘

之玄淵兮遂自忍而沈流漢書曰天子以賈誼任公卿之位絳灌之屬盡害之乃毀誼於是天子亦疎之以誼為長沙王大傳誼既以謫去意不自得及渡湘水為賦以弔屈原原楚賢臣也被讒遂投江而死誼追傷之因以自喻揚雄反騷曰飲弔楚之湘然則聖人所以為聖

累音義曰屈原赴湘故曰湘累

者蓋在乎樂天知命矣

周易曰樂天知命故不憂

故遇之而不怨居

之而不疑也其身可抑而道不可屈

漢書孫寶曰道不可屈身詘何傷

其位可排而名不可奪譬如水也通之斯為川焉塞之

斯為淵焉

管子曰水有大小出之溝流於大水及海者命之曰川出於地而不流命曰淵水

升之於雲則雨施沈之於地則土潤

淮南子曰夫水者大不可極深不可

測上天為雨露下地為潤澤無公無私水之德也周易文言曰雲行雨施天下平也禮記月令曰季夏之月土

潤溽暑鄭玄云土潤謂塗濕也

體清以洗物不亂於濁受濁以濟物不

傷於清

晏子春秋景公問晏子曰廉正而長久其行何也晏子對曰其行水也美哉水乎清其濁無不

宋塗其清無不灑除是以長久也管子曰夫是以聖人

水淖溺以清好灑人之惡仁也宋式甚切

處窮達如一也呂氏春秋曰古人得道者窮亦樂達亦

也夫忠直之迂於主獨立之負於俗理勢然也

小雅曰

鄭立禮記注曰負背也

故木秀於林風必摧之堆出於岸流必湍

之

廣雅曰秀出也論衡曰風衝之

行高於人衆必非之

史記曰商君說秦孝公曰夫有高人之行者固見非于世

前鑒不遠覆車繼軌

毛詩

鑒不遠晏子春秋諺曰前車覆後車戒

然而志士仁人猶蹈之而弗悔操

之而弗失何哉將以遂志而成名也

史記司馬遷曰詩書隱約者欲遂其

志之思也班固漢書贊曰雖其求遂其志而冒風波于陷于刑辟自與殺身成名者也

險塗家語曰不觀巨海何以知風波之患也求成其名而歷謗議於當時

司馬遷書曰彼所以處之蓋有算矣蒼頡篇曰算計也子夏曰

死生有命富貴在天論語子夏曰商聞之故道之將行

也命之將貴也論語子曰道之將行也與命也則伊尹呂尚之興於商

周百里子房之用於秦漢不求而自得不徼而自遇矣

論衡曰命者不求自得富貴之命西京賦曰不徼自遇道之將廢也命之將賤也

論語子曰道之將廢也與命也豈獨君子耻之而弗為乎蓋亦知為之

而弗得矣凡希世苟合之士蘧蔭戚施之人

莊子曰原憲謂子貢

曰夫希世而行比周而友憲不忍為也司馬遷報任安書曰苟合取容毛詩云燕婉之求蘧蔭不鮮又曰燕婉

之求得俛仰尊貴之顏逶迤勢利之間

杜預左氏傳注曰俛仰伏也鄭

玄毛詩箋曰蘧蔭觀人顏色而為辭故不能府又曰戚施下人以色故不能仰史記曰蘇秦被逶迤而仰曰見

李子高位金多也

意無是非讚之如流言無可否應之如響

毛詩

曰乃言如流水記淳于髡曰鄙忌其應我若響之應聲也

以闕看為精神以向背為

變通

周易曰變通者趣時者也

勢之所集從之如歸市勢之所去棄

之如脫遺

孟子曰太王居豳狄人侵之乃踰梁山邑于岐山下從者如歸市焉廣雅曰脫誤也毛詩

曰棄予如遺鄭玄曰如其言曰名與身孰親也得與失人遺忘忽然不省存也

孰賢也榮與辱孰珍也

老子曰名與身孰親得與亡孰病也家語子貢曰與其俱失二

者孰賢鄭玄儀禮注曰賢猶勝也

故遂繫其衣服矜其車徒冒其貨賂

淫其聲色

杜預左氏傳注曰冒貪也

脉脉然自以為得矣

爾雅曰脉相視也郭

璞曰脉脉謂相視貌也

蓋見龍逢比干之亡其身而不惟飛廉惡

來之滅其族也

尸子曰我必利雖桀殺關龍逢紂殺王子比干猶謂義之必利也史記曰中滿生蜚

廉蜚廉生惡來父子俱以材力事殷紂說苑子石曰費仲惡來草去鼻決目崇侯虎順紂之心欲以合於意武

王伐紂四子死牧之野

蓋知伍子胥之屬

燭者俱力於吳而不戒費

無忌之誅夷於楚也

左傳曰吳將伐齊越子帥其屬以朝焉王及列士皆饋賂吳人皆喜

惟子胥懼曰是秦吳也使於齊屬具子於鮑氏為王孫氏反役王聞之使賜之屬餼以死杜預曰改姓為王孫

欲以辟吳禍屬餼劍名也左傳曰沈尹成言於子常曰夫無柱楚之讒人也去朝吳出蔡侯朱喪太子建殺連尹奢子而弗圖將為用之子常曰是瓦之罪也乃殺費無極鄢將師盡滅其族以訖其國

蓋譏汲黯

之白首於主爵而不懲張湯牛車之禍也

漢書曰汲黯為東海太守

東海大治召為主爵都尉又曰人以張湯為懷詐面欺使使簿責湯湯自殺諸子歆厚葬湯湯母曰湯為天子

大臣被惡言而死何厚葬為載以牛車有棺而無鄉蓋笑蕭望之跋躓利於前

而不懼石顯之絞縊於後也

漢書曰前將軍蕭望之及光祿大夫周堪建白以為

宜罷中書官官應古不近刑人由是大興石顯忤後皆害焉望之自殺毛詩曰狼跋其胡羸蹢其尾漢書曰成帝立丞相奏顯舊惡免官徙歸故郡憂慙不食在道而死故夫達者之算也亦各有盡矣曰凡人之所以奔競於富貴何為者哉若夫立德

必須貴乎則幽厲之為天子不如仲尼之為陪臣也

左氏

傳王饗管仲管仲曰陪臣敢辭必須勢乎則王莽董賢

狂預注曰諸侯之臣曰陪臣

之為三公不如揚雄仲舒之闕其門也

漢書曰拜王莽為大司馬又曰

董賢代丁明為大司馬揚雄自序曰雄家代素貧嗜酒人希至其門又曰董仲舒為博士下帷講誦弟子傳以文火相受業必須富乎則齊景之千駟不如顏回原憲

或莫見其面

之約其身也

論語子曰齊景公有馬千駟死之日民無得而稱焉又曰顏淵問仁子曰一日克己復禮

為仁焉融曰克己約身也家語曰原憲宋人字子思清約守節貧而樂道其為實乎則執杓

而飲河者不過滿腹棄室而灑雨者不過濡身過此以

往弗能受也

桓子新論曰子貢對齊景公曰臣事仲尼譬如渴而掇杯水就江海飲滿腹而去又

焉如江海之深也

其為名乎則善惡書于史策毀譽流于千載

淮南子曰三代之善千歲之積毀也譽也桀紂之惡千載之積毀也賞罰懸乎天道吉凶灼

乎鬼神固可畏也

廣雅曰灼明也將以娛耳目樂心意乎

南都賦曰

遊觀之好耳目之娛譬命駕而遊五都之市則天下之貨畢陳矣

孔叢子孔子歌曰中車命駕漢書曰王莽於五都立均官更名雒陽邯鄲臨淄宛成都市長皆為五均司市司

也褰裳而涉汶問陽之丘則天下之稼如雲矣毛詩曰子惠思

我褰裳涉漆公羊傳曰莊公會諸侯盟于推直追紒而守柯曹子曰願詣汶陽之由如雲言多也

教庾海陵之倉則山坻之積在前矣漢書曰尉他魋結服虔曰魋音推今

兵士推頭結張揖上林賦注曰紒鬢後垂也結即髻字也于子正文引此而為髻字漢書曰築甬道屬河以取教

倉粟又枚乘上書曰夫漢轉粟西向不如海陵之倉毛詩曰曾孫之庾如坻如京毛萇詩傳曰京丘也鄭玄曰

庾露積穀也扱衽而登鍾山藍田之上則夜光璵余璠煩之

珍可觀矣爾雅曰扱衽曰擷廣雅曰扱插也初洽切淮南子曰鍾山之玉范子計然曰玉英出藍田

許慎淮南子注曰夜光之珠有似明月故曰明月也左氏傳曰李平子卒陽貨將以與璫斂杜預曰與璫美玉

也夫如是也為物甚衆為己甚寡不愛其身而嗇其神

呂氏春秋曰凡事之本必理身晉風驚塵起散而不止

風驚塵起喻惡積而豐生六疾待其前五刑隨其後左氏

傳曰昭元年晉侯求醫於秦秦使醫和視之和曰是謂近女室公曰女不可近乎對曰天生六氣淫生六疾六

氣曰陰陽風雨晦明過則為災陰淫寒疾陽淫熱疾風淫手疾雨淫腹疾晦淫惑疾明淫心疾今君不節能無及

此乎書曰惟敬利害生其左攻奪出其右而自以為見五刑以成三德

身名之親疎分榮辱之客主哉

言奔競之倫禍敗若此而乃尚自以為審見身

名親疎之理妙分榮辱客
主之義哉言惑之甚也

天地之大德曰生聖人之大

寶曰位何以守位曰仁何以正人曰義

周易曰天地之大德曰生聖人

之大寶曰位何以守位曰仁何以聚人曰財理財正辭禁人爲非曰義

故古之王者蓋以

一人治天下不以天下奉一人也

淮南子曰古之立帝王者非以奉養其欲

也爲天下掩衆暴寡故立天子以齊一之也

古之仕者蓋以官行其義不以

利冒其官也

論語子曰君子之仕行其義也杜預左氏傳注曰冒貪也

古之君子蓋

恥得之而弗能治也不恥能治而弗得也原乎天人之

性核乎邪正之分

呂氏春秋曰衆正之所積其福無不及衆邪之所積其禍無不違

權乎禍福之門終乎榮辱之算其昭然矣

爾雅曰權與始也尸子曰

聖人權福則取重權禍則取輕呂氏春秋曰少多治亂不可不察此禍福之門也管子曰為善者有福為不善

者有禍孟子曰仁則榮不仁則辱孫卿子曰先義後利者榮先利後義者辱故君子舍彼取

此言舍欲利而取仁義也老子曰故去彼取此若夫出處不違其時默語不

失其人

周易曰君子之道或出或處或默或語

天動星迴而辰極猶居其

所言

君子之性語默出處雖從其時而中心常不改其操似天動星迴而北辰常居其所而不改也論語子

曰為政以德譬如北辰居其所而璣旋輪轉而衡軸猶執

其中

尚書曰璇璣玉衡以齊七政孔安國曰璣衡王者正天文之器可運轉者馬融曰璇璣渾天儀可轉旋鄭

玄曰轉運者為機持正者為衡
莊子曰軸不運而輪致千里

既明且哲以保其身貽

厥孫謀以燕翼子者

毛詩大雅文也毛萇傳曰燕安也
翼收也箋云貽猶傳也孫順也言

傳其所以順天下之謀以安
其敬事之子孫謂使行之也
昔吾先友嘗從事於斯矣
論語曾子曰以能問於不能
吾者吾友嘗從事於斯矣

辯亡論上下二首

孫盛曰陸機著辯亡
論言吳之所以亡也

辯亡論上

陸士衡

昔漢氏失御姦臣竊命

姦臣謂董卓也答賓戲曰王塗
蕪穢周失其御法言曰上失其

政姦臣禍基京畿毒偏宇內皇綱弛紊王室遂卑答賓戲曰

席帝結恢皇綱劇秦美新曰皇綱弛而未張尚於是羣

書傳曰紊亂也新序曰及定王王室遂卑矣於是羣

雄蜂駭義兵四合廣雅曰駭起也漢書高祖曰吾以義

義吳武烈皇帝慷慨下國電發荆南吳志曰漢以孫堅

專權諸州郡並興義兵欲以討卓堅亦舉兵荆州刺史

王叡素遇堅無禮堅過穀之北至南陽衆數萬人楚解

曰雷動權略紛紜忠勇伯世公羊傳曰權者反於威稜

則夷羿震盪連兵交則醜虜授馘漢書曰武帝報李廣

李奇曰神靈之威曰稜左氏傳魏莊子謂晉侯曰寒浞

伯明氏之讒子弟也夷羿收之以為己相杜預曰夷氏

夷氏曰車全言

文選

三

也羿善射左氏傳曰兵交使在其間毛詩遂掃清宗祊

曰仍執醜虜箋云載所格者之左耳也

補蒸禋皇祖毛詩曰祀祭于祐毛萇傳曰祐廟門內之

意以饗謂之禋皇祖謂漢祖也吳書于時雲興之將帶

曰堅入洛掃除漢宗廟祠以大牢

州颺起之師跨邑哮呼交關之羣風驅熊羆之衆霧集毛詩

曰進厥武臣闕如琥虎尚書武王曰勗

哉天子尚桓桓加虎如貔如熊如羆雖兵以義合同

盟戮力左氏傳曰諸侯同盟於亳國語曰然皆包藏禍

心阻兵怙亂左氏傳曰楚公子圉聘于鄭鄭使行人子

又衆仲曰夫州吁阻兵而安忍杜預曰或師無謀律喪

阻恃也又君子曰史佚所謂無怙亂也

威稔寇

言出師之法必以律齊之今則不然各恃兵怙亂而出師無律也稔寇言喪其威權令資熟於

寇也周易曰師出以律否臧凶左氏傳莒曰忠規武曰毛其必亡是昆吾稔之日杜預曰稔熟也

節未有如此其著者也

漢書武帝詔曰弱秉武節武烈既沒長沙桓

王逸才命世弱冠秀發

吳志曰權稱尊號追謚策曰長沙王言桓王挺英逸之才命世

而出也禮記曰人生二十曰弱冠

招攬遺老與之述業神兵東驅奮寡

犯衆

范曄後漢書陳忠曰旬月之間神兵電掃

攻無堅城之將戰無交鋒之

虜誅叛柔服而江外底

旨定

左氏傳隨武子曰君討鄭怒其貳而哀其卑叛而伐

之服而赦之伐叛刑也柔服德也二者立矣尚書曰震澤底定飾法脩師則威德翕赫

周易曰先王明罰勅法賓禮名賢而張昭為之雄吳志

趙充國頌曰諭以威德賓禮名賢而張昭為之雄曰策

以彭城張昭為謀主班固漢書曰班伯交御豪俊而周

諸所賓禮皆名豪又述曰賓禮故老

瑜為之傑吳志曰策徙居舒與周瑜相友彼二君子皆

弘敏而多奇雅達而聰哲故同方者以類附等契者以

氣集而江東蓋多士矣周易曰方以類聚物以羣分將

北伐諸華誅鉏干紀左氏傳曰吳周之冑商也今而始

或如賊孫乾于國之紀犯門斬旋皇輿於夷庚反帝座

闕春秋合誠國曰誅鉏民害

乎紫闥吳志曰曹公與袁紹相拒於官渡策陰誅襲許

迎漢帝繫欽辯惑曰吳人者以船楫為輿馬以

巨海為夷庚藏榮緒晉書曰司徒王謚議曰夷庚未入
乘輿旋館然夷庚者藏車之所崔駰達旨曰攀台階聞

紫挾天子以令諸侯清天步而歸舊物戰國策張儀謂秦惠王曰挾天

子以令天下此王業也毛詩曰天步艱難之子戎車既

次羣凶側目大業未就中世而殞漢書曰列侯宗室見

書陳蕃上疏曰羣凶側目禍不用集我大皇帝吳志曰

旋踵周易曰富有之謂大業權堯謚

曰大皇帝以奇蹤襲於逸軌啟心因乎令圖從政咨於故實

播憲稽乎遺風國語樊穆仲對宣王曰魯侯賦事行刑必問於遺訓而諮於故實史記曰宣王

即位修政法文武成康而加之以篤固申之以節儉疇

咨俊茂好謀善斷

尚書帝曰時告若時登庸班固王命論曰信義好謀

束帛旅於

丘園旌命交乎塗巷

周易曰賁于丘園束帛交交孟子曰夫招士以新大夫以旌謝承後

漢書曰鄧道不應州郡旌命

故豪彥尋聲而響臻志士希光而景鶩

異人輻湊猛士如林

班固公孫弘贊曰異人並出文子曰羣臣輻湊張湛曰如衆輻之集

載也漢高祖歌曰安得猛士守四方毛詩曰其會如林

於是張昭為師傅

吳志曰王待張

昭以師傳之禮

周瑜陸公魯肅呂蒙之儔入為腹心出作股肱

吳志曰呂蒙字子明汝南人也為武威將軍南郡太守餘並已見三國名臣頌毛詩曰赳赳武夫公侯腹心尚

書曰命汝子翼作股肱心膂

甘寧凌統程普賀齊朱桓朱然之徒奮

其威

吳志曰甘寧字興霸巴郡臨江人也少有氣力好游俠拜西陵太守又曰凌統字公績吳郡人也拜

偏將軍又曰程普字德謀右北平人也領江夏太守還

蓋冠將軍又曰賀齊字公苗會稽人也為新會太守又

曰朱然字休穆吳郡人也拜前將軍領青州牧又曰朱然字義封朱治子也姓施氏初治未有子然年十三

乃啓策乞以為嗣為韓當潘璋黃蓋蔣欽周泰之屬宣

其力吳志曰韓當字義公遼西人也遷昭武將軍又加

都督之號又曰潘璋字文珪東郡人也拜平北將軍

襄陽太守又曰黃蓋字公覆零陵人也拜武鋒中郎將

加偏將軍又曰蔣欽字公奕九江人也拜右護軍又曰

周泰字幼平九江人也拜漢中太守奮風雅則諸葛瑾

威將軍尚書曰子欲宣力四方汝為

張承步臨以名聲光國

諸葛瑾已見三國名臣頌吳志

曰張昭長子承字仲神少以才

文選

三

學知名為滿須督奮威將軍又曰步騭字子山臨淮人也孫權為討虜將軍召騭為主記權稱尊號氏陸遜為丞相誨育門生手不釋卷蔡邕陳太丘碑曰紆佩金紫光國垂勲 政事則顧雍潘濬呂

範呂岱以器任幹職

吳志曰顧雍代孫劭為丞相平尚書事其所選用文武將吏隨能所

任心無適莫又曰潘濬字承明武陵人也弱冠從宋仲子受學權稱尊號拜為少府遷太常又曰呂範字子衡汝南人也權拜裨將軍亮即位遷揚州牧又遷大司馬又曰呂岱字定公廣陵人也權拜上將軍亮即位拜大司馬低滑月奉公所在可述 奇偉則虞翻陸績張溫張

惇以諷議舉正

虞翻已見三國名臣頌吳志曰虞翻性不協俗數犯顏諫爭又曰陸績字公紀

吳郡人也孫權統事辟為奏曹掾又曰張溫字惠恕吳郡人也權拜議郎徙太子太傅甚見信重吳錄曰張惇

字叔方吳郡人也德量淵懿清虛淡泊又善文辭陳泰
權以為車騎將軍出補海昏令毛詩曰出入詠歌

使則趙咨沈珩

衡

以敏達延譽

要志曰雅達都尉趙咨
泰使魏帝問吳王何等

主也咨對曰聰明仁智雄畧之主也帝問其狀對曰納
魯肅於凡品是其聰也拔呂蒙於行陣是其明也獲于
禁而不害是其仁也取荊州兵不血刃是其智也據三
州虎視於天下是其雄也屈身於陛下是其畧也吳書
曰咨字德度南陽人拜騎都尉又曰沈珩字仲山吳郡
人也權以所有智謀能專對乃使至魏魏文帝問曰吳
謀魏東向乎珩曰不嫌也曰何以知曰信恃舊盟言歸
于好是以不嫌若魏渝盟自有備豫文帝善之以奉使
有稱封永安鄉侯官至少府國術數則吳範趙達以機
語曰使張老延君譽于四方

祥協德

韋昭漢書注曰歷數占術也吳志曰吳範字文
德會稽人也以修歷數知風氣聞於郡中權以

範為騎都尉領太史令又曰趙達河南人也修九宮一
昇之術究其微旨孫權行師征伐每令達有所推步皆
如其言呂忱字林曰襪秋祥也居衣切天文志曰臣主
共憂患其察禍祥如淳曰呂氏春秋曰荆人鬼而越人
穢今之巫祝禱祀之此也
晉灼曰襪音珠襪之襪也
董襲陳武殺身以衛主
吳志

襲字元世會稽人也為偏將軍曾公出濡須口襲從權
赴之襲督五樓船往濡須口夜卒暴風樓船傾覆左右
散走遠舸乞使襲出怒曰受將軍任在此備賊何等委
去也敢復言此者斬於是莫敢干其夜船敗襲死權改
服臨殯又曰陳武字子烈廬江人也累有功勞追任偏
將軍建安二十年從擊合肥奮命戰死權哀之自臨其
喪
駱統劉基強諫以補過
吳志曰駱統字公緒會稽人

所聞見多不待旦又曰劉繇長子基字敬輿權為吳王
基為大司農權嘗宴飲騎都尉虞翻醉酒犯忤權欲殺

之威怒甚盛由塞諫爭翻以得免左氏傳士季謂謀無
晉侯曰詩云衆職有闕惟仲山甫補之能補過也

遺諍舉不失策

廣雅曰諍智也思語切東觀漢記魯
恭上疏曰舉無遺策動不失其中故

遂割據山川跨制荆吳而與天下爭衡矣

爭衡謂角其
輕重也漢書

公孫獲曰吳楚之王西與天子
爭衡鄭玄周禮注曰稱上曰衡魏氏嘗藉戰勝之威率

百萬之師

漢書晁錯曰戰勝
之威民氣百倍

浮鄧塞去之舟下漢陰之

衆

孔安國尚書傳曰順流曰浮鄧元水經注曰鄧塞者
即鄧城東北小山也先陵因之以為鄧塞漢陰漢水

之南也莊子曰子貢
南遊於楚過漢陰

羽檄萬計龍躍順流

羽檄言疾也
羽獵曰杖鐃

邪而羅者以萬計周易
曰見龍在田或躍在淵銳騎千旅虎步原隰

李陵詩曰
幸托不賁

軀且當
猛虎步

謨臣盈室武將連衡

包咸論語注曰衡軛也戎車武將所駕故以連衡喻

也多喟然有吞江許之志一宇宙之氣

毛萇詩傳曰水涯曰許

而周

瑜驅我偏師黜之赤壁

吳志曰曹公入荊州推遂逆瑜與備并力逆曹公遇於赤壁初

一交戰公軍破逆

喪旗亂轍僅而獲免收迹遠遁

左氏傳曹劌曰吾視其轍

亂望其旗靡鄭玄禮記注曰遁逃也

漢王亦憑帝王之號帥巴漢之民乘

危騁變結壘千里志報闔羽之敗圖收湘西之地而陸

公亦挫之西陵覆師敗績困而後濟絕命永安

蜀志曰孫權襲

殺闔羽取荊州先主念孫權之襲闔羽遂乃伐吳吳將陸遜大破先主軍遂棄船還魚復改縣曰永安先主但

于永安宮吳志曰備升馬鞍山陸遜從諸軍續以濡須

之寇臨川摧銳吳歷曰曹公出濡須作油船夜渡洲工權以水軍圍取得三千餘人其後溺者

數千蓬籠之戰子輪不返魏志曰張遼之討陳蘭別遣臧霸至皖討吳吳將韓當遣

兵逆霸與戰于蓬籠楚辭曰登蓬籠而下隕兮王逸曰蓬籠山名也公羊傳曰晉敗秦于穀匹馬隻輪無反者

由是二邦之將喪氣挫鋒勢六財匱而吳莞然坐乘

其弊論語曰子之武城聞絃歌之聲莞爾而笑何晏曰莞爾小笑貌故魏人請好漢氏

乞盟左氏傳曰隱公攝位而欲求遂躋天號鼎峙而立好於邾又曰鄭伯乞盟請服

方言曰躋登也漢書蒯通說韓信曰今為天下西屠庸之計莫若三分天下鼎峙而立其勢莫敢先動

益之郊北裂淮漢之渚

王逸楚辭注曰渚裂也

東包百越之地南

括羣蠻之表

賈誼過秦曰南取百越之地薛君韓詩章句曰括約束也

於是講八代

之禮蒐三王之樂

八代三皇五帝也杜預左氏傳注曰蒐閱也蒐與搜古字通三王夏殷周

也告類上帝拱揖羣后

尚書曰肆類于上帝孔安國曰類謂攝位事類遂以攝告天及

五帝也尚書曰班瑞于羣后典引曰欽若工下恭揖羣后

虎臣毅卒循江而守

毛詩曰進

厥虎臣左氏傳君子曰毅敵為果為毅漢書伍被曰彊弩臨江而守

長棘勁鏃望颺而

奮

爾雅曰棘戟也說文曰鏃銳有鐔也亦曰長刃矛刀之類也山列切

庶尹盡規於上四

民展業于下

尚書曰庶尹允諧孔安國傳曰尹正也衆官之長國語召康公曰天子聽政近臣盡

規又曰內史過曰庶人工
商各守其業以供其工
化協殊裔風行遐圻

左氏傳曰天子

之地一圻杜預曰一圻方
千里圻界也言風教及遠
乃俾一介行人撫巡外域

左氏

傳曰晉人使子員對鄭使曰君有楚命亦不
使一介行李告于寡君杜預曰一介獨使也
巨象逸駿

擾於外閑

周禮曰天子十有二閑馬六種鄭玄曰每廐為一閑

明珠瑋寶耀於內

府

周禮曰玉府掌王之金玉玩好

珍貴重迹而至奇玩應響而赴

漢書息夫

躬曰羽檄重積而押至

輜

由

軒騁於南荒衝輶息於朔野

揚雄答劉歆書

曰嘗聞先代輜軒之使班固漢書述曰戎車七征衝輶問闕字畧作輶樓也晉義曰輶兵車名也蒲蒨切

齊

民免干戈之患戎馬無晨服之虞而帝業固矣

漢書難蜀父老

曰今割齊民以附夷狄如淳曰齊等無有貴賤故謂大之齊民老子曰天下無道戎馬生郊爾雅曰虞度也大

皇既沒幼主蒞朝

幼主孫亮也吳志曰孫亮字子明姦權少子也立為太子權亮即尊號

回肆虐景皇聿興

高書曰崇信姦回南都賦曰豺狼肆虐吳志曰孫休字子羽權第六子也

亮廢孫繼使宗正孫指迎休即位度修遺憲政無大闕

守文之良主也

南都賦曰賴無闕政公羊傳曰繼文王之體守文王之法度也降及歸

命之初

吳志曰孫皓降晉晉賜號歸命侯

典刑未減故老猶存

尚書曰尚有典

刑毛詩曰召伙故老大司馬陸公以文武熙朝左丞相陸凱以謇

諫盡規

吳志曰孫皓即位拜陸抗大司馬荊州牧又曰陸凱字敬風吳郡人也孫皓遷為左丞相凱上

表疏皆指事不飾忠懇孔安國尚書傳曰熙廣也周易曰王臣蹇蹇匪躬之故史記趙簡子曰詣大夫在朝徒

聞唯唯予不聞周舍之諤諤盡規已見上文而施績范慎以威重顯吳志曰施績字

公緒遷將軍督領益賊事持法不傾拜左大司馬吳錄曰范慎字孝敬廣陵人也竭忠知己之君鯉歸三益之

友時人榮之孫賄以為太尉丁奉離斐以武毅稱吳志曰丁奉字承淵廬江人也少以

號勇為小將亮即位為冠軍將軍魏將詣葛誕據壽春降魏人固之使奉與黎斐解圍奉為先登黎斐力戰有

功拜左將軍黎與離音相近是一人但字不同孟宗丁固之徒為公卿吳志曰孫皓以

左右御史大夫丁固孟仁為司徒司空吳錄曰初固為尚書夢松樹生腹上謂人曰松字十八公也後十八歲

當為三公乎卒如夢焉又曰孟仁字恭武江夏人也本名宗避皓字易為楚國先賢傳曰累遷光祿勳遂至三

公樓玄賀邵之屬掌機事

吳志曰樓玄字承光沛郡人也孫皓用玄為宮下錄事禁

中侯主殿中事又曰賀邵字興伯會稽人也皓時為中書令漢官解故曰機事所總號令攸發元首雖

病股肱猶存

尚書大傳曰元首君也股肱臣也

爰及末葉羣公既喪然

後黔首有瓦解之患皇家有土崩之釁

黔首已見過秦論漢書徐樂上

書曰何謂瓦解吳楚齊趙之兵是也當是之時安土樂俗之民衆故諸侯無境外助此之謂瓦解又曰何謂土崩秦之末葉是人困而主不恤歷命應化而微王師

躡運而發

歷命歷數天命也王師謂晉師也言躡其運數而發也干寶晉紀曰咸寧五年十一月命

安東將軍王渾向揚州龍驤將軍王濬帥巴蜀之卒浮江而下卒散於陣民奔于邑城

池無藩籬之固山川無溝阜之勢

過秦論曰楚師深入鴻門曾無藩籬之難

非有工輸雲梯之械智伯灌激之害

墨子曰公輸班為雲梯必敗宋史記

曰晉智伯攻晉陽歲餘引汾水灌其城不沒者三版城中懸釜而炊易子而食

楚子築室之圍

燕人濟西之隊

左氏傳曰楚子圍宋將去之中叔時曰築室反耕者宋必聽命王從之宋人乃

懼遂及楚平史記曰燕昭王以築室為上將軍伐齊破之濟西

軍未決辰而社稷夷矣

左氏傳君子曰莒恃其陋決辰之間而楚剋其三都社預曰決辰十二日也決相牒切干寶晉紀曰太康元年

四月王濬鼓入于石頭城吳王孫皓面縛與觀降濬

雖忠臣孤憤烈士死節將奚

救哉

襄陽記曰張悌字臣先襄陽人晉伐吳悌逆之吳軍大敗諸葛靚逃走使過迎悌悌不肯去靚自牽

之涕垂涕曰今日是我死日也親遂放之為晉軍所殺
韓子有孤憤篇司馬遷書曰世又不與能死節者也

夫曹劉之將非一世所選向時之師無曩日之衆

向時謂太

康之役也曩日謂
昔日之曹劉也

戰守之道抑有前符

符猶法也

險阻之利

俄然未改而成敗貿理古今詭趣何哉

廣雅曰貿易也
說文曰詭變也

詭與
悽同彼此之化殊授任之才異也

辯亡論下

昔三方之王也魏人據中夏漢氏有岷益吳制荆揚而

奄交廣

東都賦曰自中夏以布
德毛萇詩傳曰奄覆也

曹氏雖功濟諸華虐亦

深矣其民怨矣

左氏傳曰吳周之胄裔也今而始大比于諸夏毛詩序曰亡國之音哀以思其

民劉公因險以飾智功已薄矣其俗陋矣

淮南子曰偽之生飾智以

警愚范曄後漢書吳祐曰遠在海濱其俗識陋也

夫吳桓王基之以武太祖成

之以德聰明獻達懿度弘遠矣

周易曰古之聰明獻智神武而不殺者夫莊子

許由曰鑿缺之為人聰明獻智

其求賢如不及卹民如稚子

論語曰子

善如不及謝承後漢書曰延篤違京兆尹卹民如子

接士盡盛德之容親仁罄丹

府之愛拔呂蒙於戎行識潘濬於僚虜

吳志曰呂蒙年十五六隨鄧當

擊賊策見而奇之引置左右張昭薦蒙拜別部司馬又曰潘濬字承明武陵人也江表傳曰權剋荊州將吏悉

皆歸附而濬獨稱疾不見推遣人以床就家與致之濬
伏面著席不起涕泣交橫哀哽不能自勝權慰勞與語
呼其字曰承明昔觀丁父鄰浮也武王以為軍帥彭仲
爽申俘也文王以為令尹此二人卿荊國之先賢也初
雖見囚後皆擢用為楚名臣卿獨不然未肯降意將以
孤無古人之量邪便親以巾拭其面濬起下地拜謝即
以為治中荊州諸軍事一以推誠信士不恤人之我欺
咨之毛萇詩傳曰識用也

量能授器不患權之我偪執鞭鞠躬以重陸公之威悉

委武衛以濟周瑜之師

吳志陸機為遜銘曰魏大司馬曹休侵我北鄙乃假公黃鉞統

御六師及中軍禁衛而攝行王事主上執鞭百司屈膝
江表傳曰曹公入荊州周瑜夜請見權曰諸人徒見操
書言水步八十萬而各恐懼不復斷其事實今以實較
之不過十五六萬軍已久疲得精兵五萬自足制之權

曰五萬兵難卒合已選三萬人船載糧具促辦卿與子敬使在前發孤當增發人衆多載資糧為軍後援也

卑宮菲食以豐功臣之賞披懷虛已以納謨士之算

論語

曰禹菲飲食而致孝乎鬼神卑宮室而盡力乎溝洫馬融曰菲薄也漢書李尋傳曰王根輔政數虛已問尋

故魯肅一面而自託士燮蒙險而致命

吳志曰魯肅字子敬臨淮人也

周瑜薦肅才宜佐時當廣求其比以成功業不可令去也權即召肅與語甚說之衆賓罷退獨引肅還合榻對

飲又曰士燮字威彥蒼梧人也漢時燮為交州刺史燮率

兄弟奉承節度權加燮為左將軍燮遣子威入質高張公之德而省遊田之娛

賢諸葛之言而割情欲之歡

吳志曰張昭為軍師權每田獵常乘馬射虎虎嘗突

前攀持馬鞍，昭變色而前曰：將軍何有？當爾夫為人君者，謂能駕御英雄，驅使羣賢，豈謂馳逐於原野，投勇於猛獸者乎？如有一日之志，為天下笑乎？權謝昭曰：感陸年少慮事不遠，慙君然猶不能已。諸葛瑾事未詳。

公之規而除刑法之煩，奇劉基之議而作三爵之誓。

吳志

曰：陸遜陳便宜，勸以施德，緩刑寬賦，息調權報。曰：君以為太重，孤亦何利焉？但不得已而為之爾。於是令有司盡寫科條，使郎中褚逢齎以就遜，意所不安，令損益之。權既為吳王，歡宴之末，自起行酒，虞翻伏地，陽醉不持。權去，翻起坐，權于是大怒，手劍欲擊之。侍坐者莫不惶遽。惟大司農劉基起抱權諫曰：大王三爵後殺善士，雖翻有罪，天下孰知之？翻由是得免。權屏氣跼局，蹣蹣以回。勅左右自今酒後言殺皆不得殺。

侗子明之疾分滋損甘以育凌統之孤。

論語曰：屏氣似不息者，毛詩曰：

謂天蓋高不敢不踣謂地蓋厚不敢不踣吳志曰呂子明疾發權時在公安迎置內殿所以療護者萬方募封內有能愈蒙者賜千金飲數見其顏色又恐其發動常穿鑿壁瞻之見其小能下食則喜顧左右言笑不然則咄咄夜不能寐病小瘳為下散令羣臣畢賀後更增篤自親臨視凌統卒權為之數日減膳言及流涕乃列封統二子年各數歲權內養於宮愛特與諸子同賓客退見呼示之曰此吾虎子也登壇慷慨歸

魯子之功削投惡言信子瑜之節

吳志曰權既稱尊號臨壇顧謂公卿曰昔

魯子敬嘗道此可謂明於事勢矣時或言諸葛瑾別逆親人與備相聞權曰孤與子瑜有死生不易之誓子瑜之不負孤猶孤是以忠臣競盡其謨志士咸得肆力

孔安

國尚書傳曰漢謀也又曰肆陳也

洪規遠略固不厭夫區區者也

言其規略

帶甲將百萬其野沃其兵練

韋昭國語注曰沃肥善也

其器利其財

豐東負滄海西阻險塞長江制其區宇峻山帶其封域

國家之利未巨有弘於茲者矣借使中才守之以道善

人御之有術

陳琳為曹洪與文帝書曰謂為中才處之殆難倉卒論語子張問善人之道子曰不

殘跡亦不

入于室也敦率遺典勤民謹政循定策守常險則可以

長世永年未有危亡之患也

左氏傳北宮文子曰有其國家今聞長世尚書曰降

年有永

或曰吳蜀唇齒之國

左氏傳宮之奇曰諺所謂輔車相依唇亡齒寒蜀

滅則吳亡理則然矣夫蜀蓋藩援之與國而非吳人之

存亡也

漢書項梁曰田假與國之王也如淳曰相與友善為與國黨與也

何則其郊境

之接重山積險陸無長轂之徑

穀梁傳曰長轂五百里范甯曰長轂兵車也

川阨流迅水有驚波之艱雖有銳師百萬啟行不過千

夫

詩曰元戎十乘以先啟行

舳艫千里前驅不過百艦

胡滅切漢書曰自尋陽浮

江舳艫千里李斐曰舳船後持柁處也艫船前頭刺櫂處也言其船多前後相銜千里不絕

故劉氏

之伐陸公喻之長蛇其勢然也

蛇闔以首尾救故銳師百萬而無所施也昔

蜀之初亡朝臣異謀或欲積石以險其流或欲機械以

御其變

戰國策曰公輸班為攻宋機械

天子總羣議而諮之大司馬陸

公公以四瀆天地之所以節宣其氣固無可遏之理

國語

大子晉曰夫天地成而聚於高踞物於下疏為川谷以道其氣韋昭曰聚聚物也高山陵也下數澤也疏通也

而機械則彼我之所共彼若棄長技以就所屈即荆揚

而爭舟楫之用是天贊我也

漢書晁錯曰匈奴之長技三中國之長技五左氏傳

子魚曰勅敵之人隘而不成列天贊我也

將謹守峽口以待禽耳逮步闡之

亂憑寶城以延強寇重資幣以誘羣蠻

國語單穆公曰量資幣戰國策

曰荆軻至秦持千金之幣厚遺中庶子蒙嘉

于時大邦之衆雲翔電發

雲翔言衆

也戰國策顧子說秦王曰今楚魏之兵雲翔而不敢拔然此雲翔與戰國微異不以文害意也懸旌江

介築壘遵渚

毛詩曰鴻飛遵渚
毛萇傳曰遵循也

襟帶要害以止吳人之

西而已漢舟師沿江東下陸公以偏師三萬北據東坑

東坑在西陵步圍城東北長十餘里陸抗所築之城在東坑上而當圍城之北其迹並存深溝高壘

案甲養威反虜踰

於

跡待戮而不敢北窺生路彊寇敗

績宵遁喪師大半分命銳師五千西禦水軍東西同捷

獻俘萬計

吳志曰西陵督步闡據城以叛遣使降晉陸抗聞之因部分諸軍吳彥等徑赴西陵勅軍

營更築嚴圍自赤谿至故市內以圍闡外以禦寇圍備始合晉巴東監軍徐胤率水軍詣建平荊州刺史楊肇至西陵抗令張威固守其城公安督留慮距胤身率三軍憑圍對肇肇攻至月餘計屈夜遁抗使輕騎躡之肇

大破敗膚等引還抗遂陷西陵城誅夷聞族左氏傳曰
僖二十八年晉侯敗楚師于城濮還師歸國獻俘殺戮

杜預曰獻楚俘于廟俘即囚也信哉賢人之謀豈欺我哉孟子公明儀曰文王我師

也周公豈欺我哉自是烽燧罕警封域寡虞言少有虞度之事也陸公歿

而潛謀兆吳釁深而六師駭蒼頡篇曰駭警也夫太康之役衆

未盛乎曩日之師廣州之亂禍有愈乎向時之難吳志曰孫

皓天紀三年郭馬反攻我廣州都督虞授馬自號都督交廣二州諸軍事安南將軍曩日向時皆謂曹劉之世

而邦家顛覆宗廟為墟嗚呼人之云亡邦國殄瘁不其

然與詩大雅文也易曰湯武革命順乎天周易曰革卦之辭也立曰亂

不極則治不形

太玄經曰陰不極則陽不生亂不極則德不形

言帝王之因天

時也古人有言曰天時不如地利

孟子曰天時不如地利孟子曰天時不如地利

歧曰天時支干五行王相孤虛之屬

易曰王侯設險以守其國言為國之

恃險也

周易坎卦之辭也

又曰地利不如人和在德不在險言

守險之由人也

史記魏武侯曰山海之固此魏國之寶也吳起對曰在德不在險

吳之

興也參而由焉孫卿所謂合其參者也

孫卿子曰天有其時地有其財

人有其治夫是之謂能參合所以參而顛覆所參則惑矣

及其亡也恃險而已又孫

卿所謂舍其參者也夫四州之萌非無衆也大江之南

非乏俊也山川之險易守也勁利之器易用也先攻之
策易循也功不興而禍遺者何哉所以用之者失也是
故先王達經國之長規審存亡之至數謙己以安百姓
敦惠以致人和寬沖以誘俊乂之謀慈和以結士民之
愛是以其安也則黎元與之同慶

孝經鉤命決曰天有
顧眄之義授國于黎

元也及其危也則兆庶與之共患安與衆同慶則其危不
可得也危與下共患則其難不足恤也夫然故能保其
社稷而固其土宇麥秀無悲殷之思黍離無愍周之感

矣尚書大傳曰微子將朝周過殷之故墟見麥秀之漸
蕪曰此父母之國宗廟社稷之所立也志勵心悲欲
死則朝周俯泣則婦人推而廣之作雅聲毛詩序曰黍
離閔宗周也周大夫行役過故宗廟宮室盡為禾黍
故為黍離之詩

文選卷五十三